



Tsanas

Axenon ikanwe

4

Baritiyabaona

SHIPIBO - KONIBO

La ciudadana y el ciudadano que queremos





Tsanas

Axenon ikanwe

4

Baritiayabaona



Ministerio de Educación

Dirección General de Educación Básica Alternativa, Intercultural Bilingüe
y de Servicios Educativos en el Ámbito Rural

Dirección de Educación Intercultural Bilingüe

Tsanas - Axenon ikanwe - 4 Baritiyabaona

Cuaderno de trabajo y folder - inicial 4 años Shipibo Konibo

©Ministerio de Educación
Av. De la Arqueología cuadra 2, San Borja
Lima, Perú
Teléfono: 615-5800
www.gob.pe/minedu

Cuarta edición, 2020
Tiraje: 1367 ejemplares
Impreso en enero 2021

Elaboración de contenido

Milca Escobar Mori

Revisión de contenido:

Mercy López Sinuiri

Revisión de lingüística:

Josue Rodriguez Gonzales

Validación participativa

Betty Roxana Muñoz Agustín

Asesoría y revisión técnica Digeibira-DEIB

Martha Morales Quiróz
Milca Escobar Mori

Ilustraciones

Archivo Digeibira-DEIB

Diseño y diagramación

César Adolfo Yeckle Castro
Deysi López Ventura

Cuidado de la edición

Javier Ugaz Aguilar

Se terminó de imprimir en enero de 2021 en:

Gráfica Biblos S.A.
Calle Morococha 152 - Surquillo

Hecho el Depósito Legal en la Biblioteca Nacional del Perú
N° 2020-10165

Todos los derechos reservados. Prohibida la reproducción
de este libro por cualquier medio, total o parcialmente, sin
permiso expreso de los editores.

Impreso en el Perú/*Printed in Peru*



Peokin yoia

Bake ainbo, bake benbo

Nato kirika Tsanas janeya riki 4 baritiaya bakebo shinanxon axona.

Tsanas riki maxkoshoko yoina, mari jisa kikin ishto itan koshi. Jawen rani riki ranshintani kikin soi, kantsin mainko jaa, jiwi kinimeran oxai, paon piai itan mesko yobinbo jawekiaxon banai. Bake pikoketian jaki yoinna iamaxon koshona, bake chixoyamatani aniai.

Nato kirika riki axeamisbo tsinkixon aka, mesko jawekibo jainoa oinax mia axetikopi. Min anibaon itan mibe axeaibaonribi mia akinti atipanke.

Jaskaribiakin min axeamisninribi mia akinti jake jainxon bena shinanbo min bibotikopi.

Non axemeranxonbi kirika jakon akin onantanan mia aniti jake, noimisti itan min jema akinti shinanya jakonax itan jakoni ninkakanani wetsabobetan jatikopi.

Nato kirikameranra jake mesko jawekibaon mia axetibo jonii iananbi itan tsiniananbi wishatibo, sikatibo, imaa yoitibo, winotabo ninkati, rabitibo, bewatibo, ribojantibo itan wetsaboribi.

Raroshamankin itan raya rayashamankin nato kirika awe, mia onan inon minra atipanke raenanyananbi axewe. Mina riki nato kirika koiranwe.



Glosario

raoawe: decorar los dibujo.

chaniti: invitar.

repoti mapoti: tapa de botella.

mapoti: tapa de olla.

moxo chachiti-chiwinti: maso para hacer tacacho.

tatinina: hojas secas que se caen del tallo del maní.

ani: grande.

maxko: pequeño.

chicho: dentro.

jeman: fuera.

ichama: pocos.

icha: muchos.

ja bebon: delante de.

ja pekao: detrás de.

bemana: cara.

bakish ibata: ayer

Kirika samatabo tana: evaluación.

mexkao: izquierda

mekayao: derecha.

jakoankin ati: ordenar.

jaweti: cuanto.

ani: tamaño

mai chiniti: estaca.

yama: ninguno.

pei: hoja.

wetsa bakish: pasado mañana.

sere: línea.

ribojo: dibujo/gráfico.

raston: grueso.

wirish: delgado.

tsiniti: jugar.

shinaxon biti: adivinanza

ani pei: papelote.

nokon anibobo: mis padres.

meraya: curandero.

yoabo: verduras.

yobinbo: frutas.

janbires keyota: rima.

winoni wisha: relato.

**Ribojamexon min jane
wishawe.**







Yomeranon ikanwe



Jane:

Yapabo pikoni

Axeamisnin axeanoxon onanti

Axeamisnin bakebo iweai westiora yosin xobon, jawekeskatax yapa pikotamein iki ixon yokati.

Bakebo yosin jain iti yoia, jawen xobo taponko iamax jiwi ota naman yakaxon ninkatai.

Yosin yoia ninkata pekao jakiribi jato axeti xobonko iweai.

Axeti xobonkonix bakebo betan yoyo iwe, yosin jaskatax yapabo pikoni yoia ninkataki.

Axeamisnin bakebo yokatai neskaakin:

- ¿Jaweki noa yosin yoia?
- ¿Jaweki noa yosibakeax axea?
- ¿Jawerato yapaboki pikota yoia?
- ¿Jawekeskaki yosin noa yoia, shinamexon non yapa koiranti?
- ¿Ramantianki jawekeska iki yapaki icha iki?

- ¿Yosinki yapa keyoresti yoia? Min shinan yoiwe.
- ¿Jawekopimein yapabo non koiranti iki?
- ¿Jawekeskataxki yapabo kaita iki?
- ¿Jaweranoboki yapabo ja?

Axeamisnin bakebo jan teeti kirika pei tsekaxon meniai itan jan sikati.

¿Tsoabaonki tee akinai?

Westiora yosin.


¿Jaweranoxonki tee akanai?

Yosin xobonko, mankoa nia namaxon.


¿Jawe jawekiboninki non tee akai?

Kirika pei xatebo, kirika mesko sikaya xatea iamax tonkoaka jan taxnanti, jan xateti.

Ribojo oinxon tee awe: jaweratoki jainoax yapa pikotai yosin yoia shinanxon, jares sikawe, jainxon ja yapan jisa yoiwe.



- Baken tee akainko atibires itan atikoma nokoabo neno wishawe. Jatibi tee atinkora min neskekai.



Jane:

Yapabo riki iboya

Axeamisnin axeanoxon onanti

Bakebobetan yoyo iwe, jaskaaxon yapabaon ibo onanti kopi. Mesko jawekiati yosi meniti moamabi yoibata tsinkiwe.

Jainxon jato yokawe, matonki onana ¿tsonki yapabo koirana? Non onanti kopi westiora yosi kenaxon yokanon ikanwe.

Axeamisnin bakebo yoiai netexon yosi ninkati.

Yosin yoia nikata pekao, bakebaon irake axon ja jawekiatishoko meniai.

Bakebaon jaton ninkatabo yoiai.

- ¿Jaweki noa yosin yoia? ¿Yapaboki iboya iki? ¿Jaweranoki yapabo ja? ¿jawekeska jisamein iki, minki oina iki? ¿Jawerano? ¿Jawekeskataxki yapan ibo betan noa jakonax jati iki? ¿Jawekeska jisaki yapabaon ibo yosin yoia? ¿Maton shinanaki jawekeskara iki yosin yoia ninkata pekao?

Yosin yoia jato shinamawe, ianman, paron, nexba, taxba ikainkobo yapabo jaa.

Axeamisnin bakebo yoiai ribojanti.

Yosin mato yoia shinaxon ribojankanwen.

Ribojanxon bakebaon yoiai, ja ribojana itan jaweki jan koirana.

Jan teeti kirika meniwe, jan sikatiribi.

¿Tsoabaonki tee akinai ?

Westiora yosin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Besteti, taxnanti, kirika kexto.

Ianmanki tson yapabo koirana, ja ribojo oinxon sikawe. Jainxon mibe axeaibo yoishokowe yosin yoia shinaxon.





Jane:

Non paromea yapabo

Axeamisnin axeanoxon onanti

Bakebo betan yoyo iwe, non paron mesko yapabo jaa.

Bakebo shinamawe yosin jato yoibata yapabo jaskatax pikoni.

Mesko yapa ribojana jato meniwe.

Jainxon bakebo yoiwe, westiora yapa katoxon jawen jane yoiti, jawekeska jisarin. Jainxon mibe axeaibo yoiwe.

Jaweratoboki jaskara jisabires iki. Jabo katowe jainxon taxnanwe.

Kirikainoa yapabo ribojana tsekaxon bake rabe, rabebo imaxon menipakewe.

Nato yapabo jato menixon katomawe: ispia, kanchaya, kenia.

Ja oina pekao mibe axeaibo betan yoyo iwe.

Jainxon xakaya itan xakaoma yapa tsinkiwe.

Axeamisnin jan teeti kirika pei senentiain itina pei T1 tsekaxon jato meniwe.

¿Tsoabaonki tee akinai?

Axeamisnin.


¿Jaweranaxonki tee akanai?

Axeti xobonko.

¿Jawe jawekiboninki non tee akai?

Mesko yapa kirikanin ribojana, ispia, kanchaya itan kenia.

Yapabo ribojana oinxon xatexon taxnanwe, jawekeska jisa yapaboki min katota ixon. Xakayabo wetsa torokan axon xakaomabo wetsa torokan awe. Ja pekao mibe axeaibo yoiwe jawekopiki min jaskaakin katota ixon.





iShinanwe!

Ea riki ani ranenke, bero ani, maponko
xomaya, yame yapa pii onanti too ikai.
Nokon xaka riki kopi itan ani jonibaon ken.
Pia noe, kikin ishto, nami kopi.

¿Tsoarin ea?

Jane:

Shinanxon biti

Axeamisnin axeanoxon onanti

Axeamisnin bakebo yoiai shinanxon biti.

Bakebaon yoiai ninkawe jaweratoki ja yoi ika iki.

Biamakanaitian jato akinwe, shinanxon biti ribojobo jato meniwe.

Bakebaon shinanxon biti ja rekena joi wisha yoyo axonwe, meraxon taxnanti yoiwe.

Jainxon yoyo aribawe ja rekena wisha min yoyo awana pekao ika.

Jaskaakin yoyo akin chibanwe bakebaon meraikaman.

Senentiaín sapan, wame, wiso koshoska ribojana oimaxon jato yokawe, ¿jawe yapaki ikamein iki?

Axeamisnin jan teeti kirika pei senentiaín itina pei S1 tsekaxon jato meniwe.

Jainxon ja taxnankanti ribojoribi.

Wetsa shinanxon biti jato yoiwe. Jainxon jatobicho tanawe.

Mesko jawekibo jato menixon shinanxon biti pikomawe.

¿Tsoabaonki tee akinai?

Axeamisnin.


¿Jaweranaxonki tee akanai?


Axeti xobonko.

¿Jawe jawekiboninki non tee akai?

Sinanxon biti yoi ika ribojowetsa peinkonia tseka.

Axeamisnin shinanxon biti yoyo aka ninkaxon, wetsa kirikainoa ja ribojowetsa meraxon tsekaxon taxnanwe.





Jane:

Santen mishkiti iki tsiniti

Axeamisnin axeanoxon onanti

Axeamisnin jato yoiai ja tee akanai.
Santen mishkiti iki tsininon ikanwe.
Paranshoko santen mishkiti ikanai, chepa
retexon bakebaon pinexkin nexai jan santen
mishkiti.

Axeamisnin jaskati tsiniti jato yoia chibani
ikanai, jaskaakin santen kenati jato yoia
ninkaxon mawakanai.

“Santen bero chanka, chanka chanka irai bii”
akin. Jatianra ikai santen joi, chepa mishkitinin
ika santenman xeatoshiketian mishkiti wex
ariwe. Jaskati tsinikin oinwe jaweti santenki
min bia, jainxon pishan napowe.

Axeamisnin bakebo yokatai.

Tsini jeneta pekao jaskati tsinikana yoikanai.

- ¿Jaweranoki min santen bixon napota?
¿Jawenki non mishkia? ¿Jaweranoki
min chepa nexa? ¿Jawe ikiai santen
mishkitinin bia? ¿Tsonki biana
jawekopi?

Westiorabaon yoiai jaskati tsinikana.
Mishkiti jain napokana wetsabaon yoiai,
pishaoma ixon jawerano napota. Yoiwe.
Jan teeti kirika pei bakebo meniwe.

¿Tsoabaonki tee akanai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Pisha, chepa, mishkiti taxo itan yoman.

Mia tsinia shinanxon santen jeman itinabores torokan xepowe.





Jane:

Yapa kawati

Axeamisnin axeanoxon onanti

Westiora tita axeti xobonko kenawe yapa kawati bakebo axeanon.

Titan bakebo yoiai jaskaaxon yapa kawati: “Nato riki yapa mani pein iamaxon paranta pein kawa”.

Neskaxon ati riki yapa kawakin.

1. Yapa raras axon sereai.
2. Piti noe atibo xateai, bata yochi itan axe.
3. Yapa axon tashi rapotai.
4. Mani pei bixon chiikan pepoi.
5. Yapa pein rakantanan noe atibo akai, jaskaaxon nishin nexai.
6. Chii xena wesaxon yamixoitinin axon xoiyai. Meshonaketian ranbeai jakon waati kopi.

Titan jaskaakin chibanti yoia ninkaxon akinkanai, jaskaakin kawa pitibo jato yoiai.

Axeamisnin bakebo yokatai.

¿Kawanoxon yapa sereaka pekaoki jawe ati iki? ¿Bata yochi betan axe nepota pekaoki jawe atiki iki? Ribojo tsekaxon taxnanwe.

Axeamisnin jan teeti kirika pei senentiain itina pei S1 tsekaxon jato meniwe.

¿Tsoabaonki tee akinai?

Westiora titan.


¿Jaweranaxonki tee akanai?

Axeti xobo.

¿Jawe jawekiboninki non tee akai?

Mani, paranta pei, bata yochi, axe, tashi, nishi, yamixoiti.

Titan yoia shinaxon nato ainbo kawakinwe, ¿bata yochi betan axe nepota pekaoki jawe ati iki? Ribojo tsekaxon taxnanwe.





Jane:

Mechokiti

Axeamisnin axeanoxon onanti

Axeamisnin nato tee anoxon moamabi jawekiati axeti xobonkobeti yoiai.

- Axeamisnin, titan joshin iamax bakebaon jawekiati bea metexaikaman bakebo yoiai; non jawekiati jakon ati.
- Axeamisnin bakebo yokatai: ¿Non mekenki jawekeska iki, teeta pekao, noaki jawe iti iki pinox?
¿Mechokixonmabi piaxki noa jawe iti iki?
Jainoax jawe ikaxboki noa mechokiti iki.

Axeamisnin bakebo yoiai pinox mesko jawekibo akax mechokiti. pia pekao, poitana pekao, tee seneax itan wetsa jawekibo akaxboribi.

Jan teeti kirika jato meniwe.

¿Tsoabaonki tee akinai?

Westiora tita betan.


¿Jaweranoxonki tee akanai?



Axeti xobonko.

¿Jawe jawekiboninki non tee akai?

Jan sikatibo.

¿Pinoxonki non jawe jawekibo akai? Ribojo oinxon pinoxon itan pia pekao ati jawekibo sikawe isinaketian. Jawekeskatiki noa koirameti iki, mibe axeaibo betan yoyo iwe.





Jane:

Bakebaon pitima yapabo

Axeamisnin axeanoxon onanti

Yoxainba merawe.

Bakebaon tapon yakaxon ninkatai.

Yoxaman bakebo yoiai, jawerato yapaki
bakebaon piti iki.

Baken pikin peoketian pimati iki ani
yapabores, wame, bawin, amakiri, ishton
aninon ixon.

Axeti xobonko jato iwexon, axeamisnin jato
yokatai yoxamanki ainbo itan benbo bake
ixon, jawerato yapabo piti jakon yoia ainbo
iamax benbo bake ixon.

Yoxaman yoia shinaxon tee awe.
Westiora bakebaon yoiai ja yapa pitibo itan
jawe janerin.

Jawerato yapaboreski benbo itan ainbo baken
piti iki.

Jan teeti kirika tsekaxon jato meniwe.

¿Tsoabaonki tee akinai?

Yoxaman.


¿Jaweranaxonki tee akanai?

Yoxaman xobonko.

¿Jawe jawekiboninki non tee akai?

Jan wishati, kirika pei.

Yapabo ribojana oinxon jawen jane yoawe, ¿jawe yapaborin bake ishton aninon ixon pimati? Jabores westiora serekan ja bakebobetan biananamawe.





A large, empty rectangular box with rounded corners and a green border, intended for writing or drawing.

Non jemanxon jaskaakin yomeratibo

Axeamisnin axeanoxon onanti

Axeamis bakebo betan yoyo ikai non jemanxon jaskaakin yomeratiboki.

Jainxon wetsa axeya jonibaon jaskaakin yomerakanaibo ribojomeran jato oinmai. Bakebo yokawe.

- ¿Jatixonbiki jaskaakinbires yapa yomerakanai? ¿Non jemanxonki jawekeskaakin yomerakanai? ¿Wetsa paron ja jonibaonki jawekeskaxon yomerai?

Bakebaon shinan ninkawe.

Jaskaaxon yomerati yoia ninkawe.

Axeamisnin jan teeti kirika pei senentain itina pei T2 tsekaxon jato meniwe.

Jawen papan jaskaaxon yomerai onanxon yoia ninkatai jabe axeaibaon.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Rapis.

Ribojo oinxon jawekeskaaxonki min papan yomerai jares taxnanwe.





Jane:

Paro koiranti

Axeamisnin axeanoxon onanti

Westiora papaiba iwexon bakebo ninkakinwe non paro jaskara winotai.

Jakiribi axeti xobonko iwexon bakebo yokawe.

- ¿Jaweki noa papan yoia?
- ¿Jaweranoki winotai jaskara jawekibo?
- ¿Non paronbichomein jaskara winotai?
- ¿Non paro jeneki rama jawekeska iki, jaweki winotai?
- ¿Yapaboki ichapari ja?
- ¿Yapabomein onsanmeran iki?
- ¿Jawekopi?

Non paron weixon nawabaon rikan yapa keyoai.

Non paro jene keras akai jawekibo iki, pisha, rato, botiria itan wetsa jawekiboribi.

Toxbatai jawekibo ikax ishton payoyamai.

Jawekeskaki winotai ixon onanoxon tanakanai, axeamisnin yoia ninkaxon tee akanai.

Bakebo yoiwe pisha, oranshi, mesko xaka jawekibo. Payokiai ixon minti.

Westiora simana winota peako jato oinmawe. Bakebaon shinan yoia ninkawe.

Ja yoikanaibo wishawe.

Westiorabo yoyo imawe, jawerato jawekiboki ika kikin basi payotaibo

Janepakenon yoiwe.

Jabe bakebo yoinon yoiwe.

¿Non parobo keras imatima kopiki non jawe ati iki? Non axeti xobo keras imatima kopiki non jawe ati iki. Bakebaon yoiaibo westiora kirikain wishawe.

Kirika pei jato meniwe.

¿Tsoabaonki tee akinai?

Westiora papan.


¿Jaweranoxonki tee akanai?

Papan xobonko.

¿Jawe jawekiboninki non tee akai?

Pisha, botiria xaka, ishton payoyamai rato, jan xeati akanabo, machito.

Jawekopiki non paro koiranti iki yoiwe. Jainxon jawerato ribojoki jain yapabo kaiti jisa iki, ja rao awe.





Jane:

Kirika samatabo tana

Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsobetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.







Wai ati itan banati



1. Kirika wishameran yoabo bikani axeamisnin yoyo aka ninkaaxon, isakan tsoa yoyo atoshia iki, ja sikawe.



2. Jaweki noa isakan banati axea iki, ja ribojanwe.

Blank space for drawing or writing.

Jaskaxon shibipo jonibaon yoa bikani

Axeamisnin axeanoxon onanti

Axeamisnin bakebo betan kirika wisha “Yoabo bikani”, yoyo akai.

Jakiribi jato yoyo axonwe.

- ¿Jawekeskatax yoa pikotaki yoia?, ¿jawekeskaxon yoa pitiki yoia?

- ¿Jawerato yoaboki isakan noa banati onama iki?


Bakebaon tsinianan mawakanai wishameran yoia keskatu.


Yoabo bikani

Jonibenatianronki yoa yama ikatai. Jaskara itainbironki ika iki westiora yamekiri mashi isashoko keoti, rishkon, rishkon ikirani joa iki. Yoxanshokon akai, jawe aki teresiki mia itai! Mia joni ipainon noa yoa bexoni joax iitima, jawekiakasi noa itainbi aka iki. Jaskaaki isa manishmeran keyokaina iki. Kawana basironki ikai joni manxantanishoko jiji nenkematani maxen sereaka tsomaya joi. Joxon yoxan akai jawe akiki mia itai akin, ikama jawekiakasainbi isakan jatsan aresa iiti akin, jaskaki akai eara iwanke akin, ratekainxon eri miakayaki iwana akai. Jainxon yoxan yokatai, ¿matoki jawekiatinin ikai?, rama ea neno rishkiwe akai, jawen witaxain yoikin. Jaskaaki, rishkikin tax aritaronki ikai jawen yorameax paranta ririki iboani. Jainxon jaskaaxon jawekiati axeai, paranta joshin riki xeati ati, xoixon itan joaxon piti. Jatian xoo xakixon pororokaxon xeati, xoixon, mispan axon itan jan yapa betenxon jawekiati.

Jainxon yoxaman yokatai, jaweranoaki non bananonxon biti iki, mia bakish bexonbanon akai. Nete xabaketian yamekirishoko joni pisha papiya joxon yasantoshita iki. Jainxon jato yoia iki nato riki maton ja banati akin, jain ika iki paranta tako maxkoshoko, ja patax ika iki atsa taxo, xeki rabe bero. Ochochabo banati jato yoiai, paranta banakin janbiribi ati. Jainxon jato yoia bakish oinonxikanwe akin. Ja netexabaketian oinkanaki ika iki, paranta jakoinrabo charoakebaina, xeki botoetaishamanbo, atsa tapon mai toxa toxakebaina. Jaskaatax yoayanironki iki noa.

Axeamisnin winota yoia ninkata pekao, mia yokatabo yoiwe, jawe yoi ikaki min ninkata. Jainxon riboanwe.





Jane:

Yoa bana pekao ati

Axeamisnin axeanoxon onanti

Bakebaon onana jawekibo yokawe neskaakin:

- Non titabaonki yoabo bana pekao jawe akai jakoni biminon ixon.
- Japekao shinankanai, yoxan yokati kanoxon.
- Yoxaman bakebo yoiai ninkatai. Yoa banaxon riki arestima. Icha biminon ixon riki nocho xaka keonxon teomati itan jawen bachin raskiti.

Yoikin seneanketian bakebaon yoxan yokatai.

¿Tson mia axearin? ¿jawekeskaaxonki min onana oxen non yoyo aka ninkatai? ¿Min tanarin?

¿Ramakamanbiki yoa banaxon areskanai nocho xaka keonxon teomaxon jawen bachin raskikin?

Axeti xobonko joxon axeamisnin bakebo tsinkixon yokatai ja ninkatabo yoiti.

Jan teeti kirika bakebo meniwe.

Yoxamanki jawen yoa bana icha inon ixon raonai. Jawen jane wishawe.

¿Tsoabaonki tee akinai?

Yoxaman


¿Jaweranaxonki tee akanai?

Yoxaman xobonko.

¿Jawe jawekiboninki non tee akai?

Jan sikati, kirika pei itan taxnanti.

Jawen yobin iamax yoa raonaki icha bimia, ja ribojo naman jawen jane wishawe min atipanakaman.







1

Blank writing area for step 1.

2

Blank writing area for step 2.

3

Blank writing area for step 3.

Jane:

Wai ati onanti

Axeamisnin axeanoxon onanti

Bakebobetan yoyo iwe papaiba iwenoxon jaskaakin wai ati yokati.

Jiwi ota naman iwexon papan jato yoiai jaskaakin wai ati.

Axeti xobonko joxon axeamisnin bakebo tsinkixon yokatai ja ninkatabo yoiti.

Axeamisnin bakebo mesko yokabo akai.

- ¿Jaweki mia yosin yoia?
- ¿Wai akinki rekenpari jawe akanai?
- ¿Min aniboboki waiya iki?
- ¿Jaweboki ja wainkobo banakanai?

Bakebo tsinimai jaskaakin wai ati ikin.

Jan teeti kirika bakebo meniwe.

Papan yoia shinanxon jaskaakin wai ati jabe axeaibo yoiai.

¿Tsonki tee akinai?

Westiora papan.


¿Jaweranoxonki tee akanai?

Papan xobonko.

¿Jawe jawekiboninki non tee akai?

Jan sikati, kirika pei, taxnanti.

Papan yoia shinanxon tee awe. Jaskaakin wai anoxon ja teebo ati ribojana xatexon jakon akin joyonkin taxnanwe. Jainxon mibe axeaibo yoibe jaskaakin wai ati.





Jane:

Bananoxon berobo katota

Axeamisnin axeanoxon onanti

Axeamisnin axeti xobonko ja banati berobo boxon bakebo oinmai.

Axeamisnin bakebo yokatai jawe beroborin ixon janepakenon ixon.

Bakebaon yoiai mesko banati beroboribi.

Bakebaon katotai ja banati berobo.

Axeamisnin bakebo tsamabo axon meniai banati berobo jakon itan jakoma.

Westiora bakebo wenitai banati berobo katoti.

Axeamisnin jan teeti kirika pei senentiaian itina pei S1 tsekaxon jato meniwe.

- ¿Tsoabaonki tee akinai?

Non jemanxon banati berobo, tama, xeki, atsa, poroto, chikiraya, poa, choin.

¿Tsonki tee akinai?

Axeamisnin.


¿Jaweranaxonki tee akanai?

Axeti xobonko.

¿Jawe jawekiboninki non tee akai?

Masen, chikiraya, xeki, poroto bero.

Banati berobo ribojana tsekaxon taxnanwe, masen ikain jakon berobo taxnanwe. Jaweratoboki jakoma iki mani pei ikain awe.





Jane:

Jan wai atibo

Axeamisnin axeanoxon onanti

Axeamisnin bakebo jan teeti jawekibo oinmai. Bakebo meniwe mesko jaweki min ribojanxon bea ani, anitama, maxko.

Nato jawekibo machito, manish potati, jiwi jan mai kini ati, jan mai chiniti, tasa jan tee atibo.

Bakebaon yoiai jawetio aniborin ixon. Janki non jawe akai, jaweratoki jawen papan jan tee akai iki.

Bakebaon mawai jan teeti jawekibo jaskati jan teeti.

Bakebo tsiniai machito moxo akatonin. Axeamisnin jawetio aniborin ixon yokatai. Jan teeti kikika jato meniwe.

¿Tsonki tee akinai?

Axeamisnin.


¿Jaweransonki tee akanai?

Axetixobomeran iamax jeman.

¿Jawe jawekiboninki non tee akai?

Machito ani, itan maxko.

Jan wai atibo ribojana oinxon ja patax westiora ani ribojanwe.





Jane:

Axeti xobon wai axonkin minkaaka

Axeamisnin axeanoxon onanti

Bakebo betan yoyo iwe.

Axeamisnin yoiai ja tee akanai.

Jainxon jato eseai neskaakin: non rekenbora ikatai, akinmisbo, yomeraibo, rayabo, pitin kenataibo (chaniti), jakonshinanya jonibo.

Jainxon bakebo yokawe neskaakin:

- ¿Tsoabaonki jaton papa akinai xobonkoxon?
- ¿Axetixobon tee akanaitianki maton akinai, jawekeskaxon?

Axeamisnin papabo itan titabo kenai, bakebo wai akinti.

Jain wai ati onantiainko jato xaba akinkanai.

Axeamisnin bakebo yoiai ja tee ati, papabaon wai xaba akaitian.

Japekao papabo tantiai.

Bakebaon papabo xeamai.

Axeti xobonko joxon yoikanai jaskaakin wai atinko akinkana itan ja oinkanaboribi.


Axeti xobonkoxon yoikanai jawekopimein jakon iki tsinkixon tee ati, jawe teboribiki tsinkixon shipibobaon akai.

¿Jawekeskaki maton shinanai non papabo tee akinkin?


Bakebaon yoiai mesko tee tsinkixon akanaibo.

Axeamisnin jan teeti kirika pei senentiain itina pei S2 tsekaxon jato meniwe.

Papa betan tsinkixon axeti xobon wai atinko jaskaaxon min jato tee akina ribojo tsekaxon taxnanwe. Jainxon jawekopiki tsinkixon tee akina jakon iki, yoiwe.





	Ja nete 1	Ja nete 2
Ja nete 3	Ja nete 4	Ja nete 5

Jane:

Xeki bananoxon pachiaki jawekeskatai

Axeamisnin axeanoxon onanti

Yoxan axeti xobonko kenawe, bakebo xeki bananoxon pachiaki jawekeskatai ixon onamati.

Yoxaman yoia ninkata pekao bakebo yokatai.

- ¿Jaweki yoxaman noa yoia?

Jawekeskakiai xeki bero pachia.

Bakebaon tanakin pachiai.

Axeti xobonkoxon shinankanai yoxaman yoia.

Axeamisnin bakebo yokatai.

- ¿Jawe imeyain non xeki bero pachia?

Axeamisnin nete xabaketian xeki bero pachibata papabaon wai axoinbatainko bakebo banakinai.

Xeki bero xoxoai oinwe, jawekeskakiai mai chicho ¿Jawetio basimein xoxoai?

Bakebaon netetibi oinai jawe ikiai ixon, jainxon jato yoimai.

Jawekeskarin xeki bero, jaskara iikainai oinxon ribonjankanai.

Westiora simana pekaoki jawekeska iki xeki bero.

¿Tsoabaonki tee akinai?

Yoxaman.


Jaweranonxonki tee akanai.

Axeti xobonko.

¿Jawe jawekiboninki non tee akai?

Xeki bero, tama, chikiraya, jan wishati, jan sikati.

Xeki bero bananoxon pachiaki jawekeskatai, netetibi oinxon min kirikain ribojanwen.





Santira bana
bimiaitian riki
bari xana ikenbi
shitatima.

Non jain
jamatainronki ikai
siwatax jawen bimi
aniamai,
payoti itan jawen
peiboboribi choshiai.



Jane:

Santira banax meketi

Axeamisnin axeanoxon onanti

Axeamisnin santira banaxon atima wisha, kirikainoa tsekaxon bakebo meniai. Jainxon jato yokabo akai:

- ¿Jaweki nato ribojoain min oinai?
- ¿Jawe yoi ikamein iki nato wisha?

Axeamisnin bakebo yoyo axonai. Jatian bakebaon onanai jawe yoiki ikai nato wisha ikain.

Bakeboan yoia ninkawe.

- ¿Jawekopi santira banax meketi iki?
- ¿Santira banax mekeyamaki jawe winotai santira bana?
- ¿Jawerato jawekiboribiki ja atimabo iki?

Bakebaon ja pitima yapa yoiai.

¿Tsoabaonki tee akinai?

Axeamisnin.


¿Jaweranaxonki tee akanai?

Axeti xobonko.


¿Jawe jawekiboninki non tee akai?

Jan teeti kirika pei.

Santira banaxon ja atima iki wisha oinxon axeamisnin akinaton yoyo awe.



- Siwata: planta que está marchitado



Jane:

Joneta merai iki tsiniti

Axeamisnin axeanoxon onanti

Axeaminin bakebo yoiai jaskati tsiniti.
Bakebo tsiniai “Joneta merai iki tsiniti”
Westiora bake ainbo iamax benbo janekanai
jan jato tsinikinti.
Metsonananax torokanketian jato yoka,
yokabainai jaonoki tsinikasai ixon.
Seneaxon jaskati tsinikana yoikanai.
Jawe pekaoki tsinikana itan jain joneta
yoikanai.
Jatobicho kimisha, kimishabo tsinkitax jato
jonetabo merai iki tsinikanai.

Westiorabaon yoiai, jawe pekaoboki joneta,
jawe jaweki bebonki ika joneta ixon.
Jan teeti kiriki pei tsekaxon jato meniwe.


¿Tsoabaonki tee akinai?

Axeamisnin.

¿Jaweranoxonki tee akanai?

Jeman pikotax.

Jawekeskati mia tsinia shinanwe. Ribojanwe jaweranoki mia tsinia. Jainxon mibe axeaibo yoibe.





Jane:

Kirika samatabo tana

Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsobetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

¿Tsoabaonki tee akinai?

Axeamisnin.


¿Jaweranoxonki tee akanai?


Axeti xobonko.

¿Jawe jawekiboninki non tee akai?

Jan tee ati kirika.


¿Jawerato tee mia axeaki min kenshaman ika? Ribojanwe.











Xobo ati





Jane:

Xobo ati

Axeamisnin axeanoxon onanti

Axeamisnin bakebo westiora papaiba merakin iweai jaskaaxon xobo ati yokakin.

Rekenpari papan jato yoiai neskaakin, yamaronkiake westiora oxen jatianbicho xobo ati ika, ikaxbi yoiai jene beaitian iki atima, oi bei moa pekotai kopi.

Jankeanxonra koin ayamakanai, ikaxbira akanai kimisha nete iamax rabe simana potabainax iti joxonparira xobo chipan bixon senpaya koin akin, ja yamaketian nakax, matsi iken xana akin matsii niwe koiman potanon ixon, yoshin ishtomanoxon, jaskayamabi nonbi iamax baken niwe bitiki.

Jainxon jato yoiai jaskaakin xobo ati, jatibi bionxon xobo ati, pei, jawen kano, nishi, moa yomera akinkana jato jawekiankinti.

Axeti xobonko joxon, bakebaon yoiai papan jato axeaka.

Jainxon bakebo yoiwe tsamatax joni iti, japekao yoikanai jaskati ikana.

Senean pekao yoyo ikanai xobo ati axekana.

¿Jawekeskaxonki xobo ati iki?

Westiora bakebo jan teeti kirika meniwe.

¿Tsoabaonki tee akinai?

Papan.

¿Jaweranoxonki tee akanai?

Westiora papan xobon.

¿Jawe jawekiboninki non tee akai?

Jan wishati, jan sikati, kirika pei.

Papan yoia shinanxon, xobo jaskaaxon ati ribojanabo oinxon xatexon jakoankin joyonkin taxnanwe.





Ja nete 1

Ja nete 2

Ja nete 3

Ja nete 4

Ja nete 5

Jane:

Xebon pei petsosti

Axeamisnin axeanoxon onanti

Axeamisnin yokatai, bakebo matonki onanna jawekeskatin xebon pei xobo anoxon.

Bakebaon yoiai.

Rekena neten akai.

- Axeamisnin wishai jatibi bakebaon yoiaibo.

Rabe neten itin.

- Bakebaon shinan akai nonra onankasai nenoax ori nato peibo.
- Westiora yosin kantsin iamax xebon pei petsosai bakebaon oinai.
- Jaskaakin bariantiboribi onankanai.

Jaweti nete winomaxon.

- Papan pei ranbeai oinkakanai.
- Jawekeskaki baneta non yoibatakeska iamax wetsaresibiki pikota.

Yoikanai jaskaakin akanabo.

Wetsa neten.

- ¿Xebon peiki moa choshiax jawekeskara jisa iki?

Netetibi winotaibo ribojo tsekaxon barín aka jaskara jisa iikainaibo taxnanwe.

Jan teeti kirika jato meniwe.

¿Tsoabaonki tee akinai?

Yosin.


¿Jaweranaxonki tee akanai?

Yosin xobonko.

¿Jawe jawekiboninki non tee akai?

Xebon pei, kantsin.

Papan xebon pei barian pekaoki oriboki jawekeskara jisa pikotai ixon ribojo bixon taxnan taxnanbainwe, ja pei ranbeaikaman.





Xobo kano ati jiwibo

Axeamisnin axeanoxon onanti

Bakebo jeman pikokinwe jainxon jato tsinikinwe “**Xena niaikeskati**”.

Axeamisnin bakebo yoiai ja chibani teeti.

Axeti xobonko jakiribi jato jikikinwe.

Axeamisnin bakebo yokatai, matonki onanna xobo ati kanobo.

Bakebaon yoiai jaton onana shinanbo.

Bakebaon yoiai jaton xobonko itan jaton rarebobaon xobonko jiwi kano oinkanabo.

Ani, maxkocha itan maxkoshoko jiwibo oinkana.

Bakebaon yoiai, mesko jiwi, ani, maxko, maxkoshoko.

Bakebo tsiniai.

Axeamisnin kimisha tsama imaxon mesko jiwibo jato meniai. Jainxon jato yokatai jawetio aniborin.

Axeamisnin yokatai katoti jiwi ani, maxko. Senenkana pekao yoikanai jaskaakin jiwi katokanabo.

Axeti xobonkonina mesko jawekiboribi jato oinmaxon katomawe ani itan maxko.

¿Tsoabaonki tee akinai?

Axeamisnin.


¿Jaweraxonki tee akanai?

Axeti xobonko.

¿Jawe jawekiboninki non tee akai?

Mesko ani, maxko jawekibo, jainxon niimea jawekiboribi.

Xobo kanobo katoxon, jaweratoki jatio nenkebires iki, jain taxnanwe. Jainxon jawekeska jisarin yoiwe.





1



2




3



4



5



6



Paranta pei pirota ati

Axeamisnin axeanoxon onanti

Axeamis bakebo betan yoyo ikai, jainxon jato yoiai ja tee akanai.

Axeamisnin bakebo jan teeti kirika pei meniai. Yokabo akai.

- ¿Jawe yoimein ikai nato kirikain?
- ¿Jaweki non atiki?

Jan tee ati bexon tsamanxon oinmawe.

Jaskaakin ati yoia:

- Paranta pei choshi icha tsinkiwe.
- Paranta pei choshi tsinkia icha biwe min pirota ati.
- Paranta pei choshi moa tonkoaxon jawen nishin kikin koshin nexawe.
- Seneanka pekao mibe axeaibo betan tsiniwe.

Axeamisnin kirika yoyo axona chibankin tee awe.

Westiora bakebaon yoiai jaskaaxon pirota aka.

¿Tsoabaonki tee akinai?

Axeamisnin.


¿Jaweranoki tee akanai?

Axeti xobonko.

¿Jawe jawekiboninki non tee akai?

Paranta pei choshi, paranta nishi.

Axeamisnin jaskaakin paranta pei pirota ati yoyo akai ninkaxon ja chibankin awe.





Empty rectangular box for writing.

Empty rectangular box for writing.

Jane:

Mesko jisa xobo

Axeamisnin axeanoxon onanti

Axeamisnin axeti xobonko kirika katomeran napoxon mesko jisa xobo ribojanxon xateabo beai.

Kimisha tsama axon meniwe.

Jawekeska jisa xoboki pikota tekiakana.

Westiora tsmabaon yoiai.

Yokabo awe:

- ¿Jaskara jisabireski ika?
- ¿Jawekeska jisaborin?
- ¿Ja kirika xateaboki jawekeska xatebo iki?
- Ja tee akana taxnankanai
- ¿Jawekeska jisa xoboki non onana ribojobo taxnanxon?

Axeamisnin ani kirikain xobo ribojanxon beai. Jainxon wetsa jisa kirikain beporo, ranenkeya, senenbires ribojanxonribi beai.

Yokabo yoiwe.

- ¿Xobo chipanmein jawekeska iki?
- ¿Beporomein jawekes iki?
- ¿Xepotimein jawekeskara iki?

Axeti xobonkonio mesko jawekibo menixon ja jisabires katomai iki tsinimaxon, topomawe jawetirin icha itan ichama.

Axeamisnin jan teeti kirika pei senentiain itina pei T3 tsekaxon jato meniwe.

¿Tsoabaonki tee akinai?

Axeamisnin.


Jaweranonxonki tee akanai.

Axeti xobonko.

Jan tee atibo:

Kirika pei, jan wishati.

Ribojobo oinxon. Wetsa kirikainoa xobo ribojana tsekaxon ja jisabires katoxon taxnanwe. ¿Jaweti pei xoborin? ¿Jaweti pei xobomarin? Oinon yoita.





Jane:

Nokon jema

Axeamisnin axeanoxon onanti

Axeamisnin bakebo jema natankin oinki iweai.

Axeamisnin bakebo jema jayata jawekibo oimaxon yoka yokabainai.

- ¿Jaweranomein iki non axetixobo?
- ¿Jaweranomein iki paro?
- ¿Jawe pataxmein iki jainoax tonkon tsiniti?
- ¿Jaweboki axeti xobo patax iki?
- ¿Jaweboki axetixobo ocho iki?

Axeti xobonko joxon shoko, tantia pekao, axeamisnin shinamai jawekeska jisaki ika non jema ika.

Axeamisnin axeti xobonkonია jawekibo oinmaxon bakebo tsinimai, jawekibo jatio ocho rakani iki, bakebaon yoiai ninkawe.

- ¿Jawetio ochoki min tsamana min jawekibo?

Axeamisnin yoiai jaskaaxon tee ati.

Axeamisnin bakebo yoiai jaweki akanai jan teetibo jato meniatonin.

Bakebaon ribojobo taxnanai jawen jema jisaakin.

Bakebaon yoiai ja akana.

Axeamisnin bakebo oinmai westiora baken tee aka.

- ¿Jawe teeki non aka? ¿Jaweranoki noa katana? ¿Jawetio ochorin non axeti xobo? ¿Jawetio ochorin min xobo? ¿Jaweborin axeti xobo ochoma?


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Jan taxnanti, raris, kirika pei, wetsa jawekiboribi.

Kirika kexto senentiain ika ribijobo tsekaxon taxnanwe. Min jema jisaakin awe, mesko jawekibo bixon min kena keskaakin rao awe, jainxon jato yoiwe.





Jane:

Nokon xobo

Axeamisnin axeanoxon onanti

Axeamisnin bakebo jeman pikokinxon tsinikinai, jaskati iti yoia chibani tsinikanai.

Kimisha bakebo biananankanai, rabe bake mekeman yatananaxon westiora xobo pikokani, jatian wetsabiri ikai ja xobo ibo ikax jato napon iki. Jawetianki axeamisnin yoiai jatibi xobobora taxketai jatianra xobo ikares taxkexon ja bake xoboma itinain ikai.

Axeamisnin bakebo axeti xobomeran iwexon jato yokatai:

- ¿Jawekeska jisarin min xobo?
- ¿Tson akarin?
- ¿Chikeyarin?
- ¿Tapoyarin?
- ¿Tsoabobetan mia jaarin?

Westiora bakebo pikoxon yoimai jawekeskara jisarin jawen xobo.

Jan teeti kirika meniwe.

Min xoboki jawekeskara iki ribojanwe.

Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Rapis.

Jawekeska jisarin min xobo, ribojanxon sikawe, jainxon jato yoiwe.



Janbires keyota




Oara xaa keyokainai Shonin,
jatsira kenai bimin,
moara neekainai xomin,
iorabiraibetin nomin.



1. ¿Shoninki jawe kenai?
Ja ribojores ashta awe.

2. ¿Jaonomein Shonin neekainai?
Ja ribojores ashta awe



Jane:

Janbires keyota

Axeamisnin axeanoxon onanti

Axeamisnin bakebo yoyo axonai shinoki ika janbires keyota.

Oara xaa
keyokainai Shonin,
jatsira kenai bimin,
moara neekainai
xomin,
oirabiraibetin
nomin.

Bakebo betan tanawe, jainxon jatobicho, westiorabo tanamawe.

Axeamisnin yokabo jato akai.

- ¿Jawe yoimein ikai nato wishain?
- ¿Jaweranoki ja shino neekainai?
- ¿Jawe akimein neetai ja jiwinko?

Axeamis bakebobetan tsiniai, jaskaati shino niai mawai, jaskaakin bimibo biai itanribi jaskaati keotairibi.

Westiora bakebaon yoiai jaweki ikaki nato janbires keyota.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Jan wishati.

Axeamisnin shinoki ika janbires keyota yoyo axona ninkaxon, mia yokabo aka, ja yoi ikai meraxon ashtawe.





Jane:

¿Jawe teeboki xobonxon min akinai?

Axeamisnin axeanoxon onanti

Bakebobetan yoyo iwe.

Axeamisnin yoiai ja tee akanaibo.

Bakebo jeman tsamabo imaxon tsinimai jaskaakin xobonkoxon jawen anibobo akinai iki.

Axeti xobomeran iwexon bakebo yokawe neskaakin:

- ¿Tsoabaonki jaton papa akinai xobonkoxon?
- ¿Jawe teeboki xobonkoxon min jato akinai?
- ¿Jakonmein iki non jato tee akina?

Jan teeti kirika jato meniwe.

¿Tsoabaonki tee akinai?

Axeamisnin.


¿Jaweranoki tee akanai?

Axeti xobonko.

¿Jawe jawekiboninki non tee akai?

Jan wishati.

Ribojobo oinxon tee awe. ¿Jawe teeboki min anibobo akinai? Jabores sikawe, jainxon yoiwe.





Jane:

Kirika samatabo tana

Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsobetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.







Chopa tima itan kenebo

Raonmetax kene onan iti



Titabaon akai bake ainbo pikoketian waste motsaxon nashimakin. Jaskaribiakin mechokin jaya aniti kopi.

Merayabaon oni xeameran xontakobo maiti maimai, kene onan iti kopi.



Kene onantira tsonbi jato axeayamai, noa kene axeairiki titan chopa akai manaixon, jaskaaxon tanai ikai noa kene axei.

Jane:

Kene onan inox wasten raonmeti ninkati

Axeamisnin axeanoxon onanti

Axeamisnin bakebo jan teeti kirika menixon oimai.

Bakekebo yokabo awe.

¿Jawe yoimein ikai nato wishain?

¿Jawekopimein ja yoi ikai nato wishain?

Bakebaon joi ninkata pekao axeamisnin bakebo yoyo axonai kenen onan inox wasten raonmeti iki wisha.

Bakebo yokatai.

- ¿Jawekopiki bake ainbo maxkobi jawen titan raonai?
- ¿Miaki neskaakin raonkanai iki?
- ¿Jakonmein iki neskaakin noa raonkana?

- ¿Jawekopiki noa raonkanai?
- ¿Wetsaboribimein jaskati raometai?
- ¿Jawe jane raoki jan kene onan inox raonmeti? Yoiwe.

Jawetio ani bake ainbo iketianki raonkanai.

¿Tsoabaonki tee akinai?

Yoxaman.

¿Jaweranoki tee akanai?

Axeti xobonko.

¿Jawe jawekiboninki non tee akai?

Jan teetibo.

Ribojobo oinxon axeamisnin akinaton yoyo awe.





Jane:

Jaskaaxon chopa timati onanti

Axeamisnin axeanoxon onanti

Axeamisnin bakebo iweai yoxaman xobonko.

Yoxaman bakebo oinmai timakin jan ati jawekibo.

Yoxaman yoman mabanai bakebaon oinai.

Jatio nenke atibo moa topona iti jake. Jatibi jan atibo seneanxon jatianpari akai, jiwibo nichina chibanmakin yoman pontenai, peokin kexa itan naponbekon mesko jisa yomanbaon sere akin metsashamankin akai.

Jaskaaka pekao akai pokokin, yoman pontenaki jan timabokin chopa banemai kai.

Jaskaakin seneantanan akai ainbaon orin nexabekonkin, wetsakiri jiwiki nexai, wetsakirinxon timai.

Ja timanox westiora sintora keska pextin jan chinexeti yoina bichi aka (chaxo bichi) jaki koshikainxon ninibainkin ainbaon yoman timai.

Rabe ainbo iki ja akinai, jawen rarebo.

Bakebaon yokatai jawekeskaaxon chopa ati onanarin, ¿tson mia axearin akinbo yokakanai?

Axeti xobo ikainko jakiribi bakebo iwewe, yoxaman bakebo waxmen banati meniai.

Bakebaon yoiai ja axekana yoxan betan.

¿Tsoabaonki tee akinai?

Yoxaman.

¿Jaweranoki tee akanai?






Yoxaman xobonko.

¿Jawe jawekiboninki non tee akai?

Waxmen yomanka, chaxo bichi.

Yoxaman yoia shinanxon. Ja yoman timakanaibo ribojana oinxon ja naman jawen jane wishawe.





Jane:

Ainbonin itan benbon chopa

Axeamisnin axeanoxon onanti

Axeamisnin mesko ainbaon itan benbon sawetibo axeti xobonko boai (koton tari, chitonti, pisha, maiti, jonxe, kori, teoti, menexeti, chinexeti). Jaweti bakeyarin mia jatira min boai.

Axeamisnin ja non sawetibo westiora tasakan napotai.

Westiora toro imaxon yoiai jaskati tsinikanti. Westiora bakebaon katotai noa jan raotaibo. Jainxon yoimawe jawerano kaiki noa neskati raokatai ixon.

Axeamisnin bakebo jakiribi napoti yoiai. Jainxon katomaribiai, jaton saweai raotibores. Westiorabaon yoiai jawekeska jisarin ixon.

Axeamis bakebo betan yoyo ikai.

Jainxon jato oinmai (chitonti, koton itan tari) Benbona iki tari.

Ainbaon saweti chopa iki chitonti, koton, chinexeti.

Axeamisnin jan teeti kirika pei senentiain itina pei S3 tsekaxon jato meniwe.

Bakebaon onanai jaskati raokati pishtan kanox.

¿Tsoabaonki tee akinai?

Axeamisnin.

¿Jaweranoki tee akanai?


Axeti xobonko.

¿Jawe jawekiboninki non tee akai?

Noman saweai chopa, xawen choparibi.

Bake ainbo iamax benbo ikaxki jawebo min saweai, ribojo tsekaxon westiora raotibores bake patax taxnanwe.





Jane:

Waxmen tima pikotai chopa

Axeamisnin axeanoxon onanti

Axeamisnin bakebo iweai westiora titan xobonko. Waxmen tima pikotai chopanki jawebo pikoai ixon onankinoxon.

Jakiribi axeti xobonko bakebo iwewe.

Axeamisnin axeti xobonko beai mesko jawekibo. Tari, yoman pisha, jonxe, maiti.

Bakebo torokinxon napon tsamanwe.

Westiorabo oinmaxon jato yokawe.

- ¿Waxmen timaxonki non jawebo pikoai?
- ¿Jokonmein iki waxmen timaxon mesko jawekibo pikoti?
- ¿Jaweboribimein waxmen tima chopa pikotaton non atiki?
- ¿Waxmen tima chopa yamaketianmein non jawebaon atiki?

Kimisha tsama bakebo imawe. Jainxon westiora jawekibo menixon jato tsinimawe.

Ja pekao jato yokawe jaskati tsinikana.

Axeamisnin jan teeti kirika pei senentiain itina pei S2 tsekaxon jato meniwe.

¿Tsoabaonki tee akinai?

Axamisnin.

¿Jaweranoki tee akanai?


Axeti xobonko.

¿Jawe jawekiboninki non tee akai?

Manta wetsa joi yoyo ikaibaona, waxmen bero itan abas.

Ribojo oinxon yoiwe. Jaweboki non chopa timaxon pikoai ribojo tsekaxon taxnanwe.





Jane:

Yoranko keneti

Axeamisnin axeanoxon onanti

Nato tee anoxra axeamis bekenetax axeti xobonko joai.

Bakebo torokin yakaxinxon yokabo akai.

- ¿Nokon bemanainki ea jawe ika iki?
- ¿Jawetianmein noa bekeneti iki?
- ¿Tsoabomein bekeneakanai?
- ¿Jawebaonki noa bekenetai?

Axeamisnin jato yokatai jaton kenrin bekeneti.

Bakebo yora keneti iki tananankanai.

Jan teeti:

Maxe, nane, koron, onpax, jan napoti.

Ja kenaibo ikanai yora keneakin. Bakebo rabebo imaxon yora keneamawe, jawen bemanares.

Axeamisnin jato yoiai besawemeti ati.

Jaskaaxon ati:

Kirika kexto tsekaxon, nanen, maxen, koronman jaweratoki min ken iki jan bekeneawe, axeamisnin akina. Ja pekao barin awe, manxaketian nishin nexabekonwe jawen pabikiori.

Jaskatax mibe axeaibo betan tsiniwe, jato mawai.

Axeamisnin bena joi jato onamai.

Yora keneti iki rabebo ikanai, mekeneti, rakeneti: Neskara kenebora ikatikanai benbobo itan ainbobo, ani xeatinin boi iamax wetsa xeatininbires winoti kai.


¿Tsoabaonki tee akinai?


Axeamisinin.

¿Jaweranonxonki tee akanai?

Axeti xobonko.

Jawerato ribojoki pishtan kanox raota itina jaa nanen bekeneawe.





Jane:

Kene ati

Axeamisnin axeanoxon onanti

Axeamisnin bakebo meniai tawa pakex.

Jeman pikokinxon bakebo tawan mai wishati yoiwe. Jaton kena wishakanai.

Ja pekao axeamisnin mesko kenebo boa jato tsamanxon oinmai.

Nanen, maxen, manon, pokotinin keneanoxonra xepan tsaimaxon wishakanai. Jakopi riki jawen jane kene, jaskaribi wetsa jawekibaonribi akanai keneakin.

Keneakinra akanai ani kene pari. Jainxon natankanai, ja pekao beshekan akanai, senentian beroakanai.

Keweakinbirira mesko yomaman akanai, metsashaman itiakin, benbobaon itan ainbobaon sawetiainkobo.

Jarake maya kene itan xao kene.

Xao kene riki atibirescha kene.

Non rekenbaon yoiai neskarainkonix non kenebo pikota: Inon yora oinxon, ipon betonko itan bawin jina oinxon.

Benbo itan ainbobaonra akai keneakin. Mesko jawekiaiboribi akanai keweakin.

¿Tsoabaonki tee akina?

Axeamisnin.

¿Jaweranaxonki tee akanai?


Axeti xobonko.

¿Jawe jawekiboninki non tee akai?

Xepan, nane, chopaxate.

Ribojo oinxon ani kene aka beshekan awe, jainxon yoiwe jawe jane kenerin.





Jane:

Shakaati ati

Axeamisnin axeanoxon onanti

Axeamisnin bakebo menipakeai jan tee atibo. Kirika pei jato meniwe.

Jan tee atibo:

Yoman, xomox, xepox, mansian bero, tanonin ati berobo axeti xobonko beai.

Bekebo bebon mesko bimibo axon jato yokake.

Kimisha tsama imaxon westiora masenbo menixon yoiwe westiora jisa berobores katoti. Seneanka pekao yoikanai jawe beroki icha itan ichama iki.

Jaskaaxon shakaati ati:

Bakebo peoxonwe, jainxon jatonbicho ati yoiwe.

Rekenpari westiora yoman xomoxyaton westiora beropari keonai, japekao wetsaresibi jisa bero. Jaskaaxon westiora chopa xate ikain kexeai. Jaskaakin keon keonbainai.

Seneankax mibe axeaibo betan shaka atiaya bewawe.

Axeamisnin yokabo akai.

- ¿Jawekeskara jisaki min shakaati aka?
- ¿Icha bimi bero keonaki, jawekeskati shaka ikai?
- ¿Ichama bimi bero keonaki, jawekeskati shaka ikai? Bakebaon yoiyai ninkawe.

¿Tsoabaonki tee akinai?

Axeamisnin.

¿Jaweranoxonki tee akanai?

Axeti xobonko.

¿Jawe jawekiboninki non tee akai?

Jan teeti kirika pei.

Min shakaatiaka shaka axon ninkawe. ¿Jaweti beroya shaka atiki koshin shaka ika? ¿Jaweti beroya shakaatiki koshima ika? Jati bimi bero ribojanwe ja chopa ikainko.





Jane:

Jan keneati jene

Axeamisnin axeanoxon onanti

Axeamisnin axeti xobonko mesko jan sikati jawekibo bexon bakebo oinmai nane, maxe, konron mesko pei itan joa.

Babeko axeamisnin yoiai ja tee akanai.

Jan teetibo:

Rabe kenti yamekenti maxko, nane, konron, machiton, onpax, xakiti.

Jaskaxon tee ati:

Axeamisnin konron chokaxon xakiai. Ja xakia mekeman bixon potsiai. Jainxon kentikan apakeai.

Chii kechonxon konron jene xanakai.

Wetsa yamikentikan ika xanayamai.

Bakebo yokawe.

- ¿Jaweatiki non konron xakia?
- ¿Jawekeska jisamein pikotai?

- ¿Jawen akamein ishton panshin pikotai?
- ¿Jawebomein nato jenen non akai?

Axeamisnin konron jene shokores nexantanan boteai, nexankamaribi beai. Jainxon bakebo oimaxon yokawe. Jawekeska jisarin ja konron jene ixon.

Jan teeti kirika jato meniwe ribojo oinxon tee anon ixon.

¿Tsoabaonki tee akinai?

Axeamisnin


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Konron, xakiti, onpax, kenti-yamekenti.

Ribojo oinxon yoiwe. ¿Konron xanaxon akamein jawekeskara pikotai? ¿Konron onpaxanres akaki jawe ikai? Westiora torokan xepowe. Jainxon nane jensen ribujo nane sikawe.





Jane:

Chopa pokoti onanti

Axeamisnin axeanoxon onanti

Jaskaakin chopa pokoti:

Bakebo matonki onana chopa pokonoxonki jawerato jawekibo biti iki.

Bakebaon yoiai ja onankana.

Axeamisnin wishai jatibi ja yoikanaibo.

Babebaon yoiai jaskaaxon kikin akin onati, (westiora simana).

Westiora yoxan benaxon yokakanai jaskaaxon chopa pokoti onanoxon.

Yoxaman yoiai wishtininti raxoxon bixon jawen bichi kobian, wiso pokoti, chexerao jabokayariki kobianti tsosinai kaman.

Jaskaaxon chopa pokoti.

- Joxo chopa biai
- Pokoti jene ikain montanti.
- Chopa montana bixon potsiyamakin barianti.

Manon akaskin chopapari peanxon jaki manon raskikin ja yantan ati ja ishinai manon aka, jakayara yamekiri patsati iki.

Jainxon oinkanai jaton reken yoibata jaweki.

Oinkanai jawekeskaki pikota ixon iamax baneta rabe simana.

Axeamisnin jan teeti kirika pei senentiain itina pei S3 tsekaxon jato meniwe.

¿Tsoabaonki tee akinai?

Yoxaman.

¿Jaweranaxonki tee akanai?



Yoxaman xobonko.

¿Jawe jawekiboninki non tee akai?

Mano, wishtitinti xaka, wiso pokoti.

Ribojo tsekaxon ja maxkata ikain jakon akin jayonkin taxanwe. Jainxon yoiwe jaskaakin aka.





Jane:

Wetsa join yoyo ikaibaon kene

Axeamisnin axeanoxon onanti

Axeamisnin ani kirikain non kene itan yine jonibaon kene axon axeti xobonko beai.

Bakebo oinmaxon mesko yokabo axon jaton shinanbo onanai.

- ¿Jawerato keneki min titan akai?
- ¿Jaweranoki ja kenebo min oinai iki?
- ¿Jawe keneboribiki min akanai oinai iki?
- ¿Tsoabaonki akai?

Axeamisnin yoiai nato kene riki yine joni akanaibaon akai, jaabo riki wetsa join yoyo ikaibo, non jeman itan ocho jeman jakanabo. Non akai jisakinribira jaton keneakai. Nonra akai mesko jisa yomaman. Metsashaman iti kopi.

Axeamisnin jan teeti kirika pei senentiain itina pei T5 tsekaxon jato meniwe.

¿Tsoabaonki tee akinai?

Axeamisnin.

¿Jaweranoki tee akanai?

Axeti xobonko.

¿Jawe jawekiboninki non tee akai?

Shipibobaon itan Yine jonibaon kene.

Ribojo oinxon yoiwe ¿Non kene jissarin? ¿Jawekopimein wetsaresbi iki? Wetsa kirikainoa ribojo tsekaxon taxnanwe jabe rabetabetan. Jainxon yoiwe tsoabaon kenerin ixon.





Jane:

Kirika samatabo tana

Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsobetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

¿Tsoabaonki tee akinai?

Axeamisnin.

¿Jaweranoxonki tee akanai?

Axeti xobonko.

¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.







Mapo ati



Westiora jonironki jawen awinbetan jenen ka iki.



Niweabaya oi bei wisobeiranketian ainbonin jawen bene yoiai paranta pei bixonwe ea maponon akin.



Jaskaaronki joni nonti repinax machiton bibaini mapeta iki paranta pei xatei.



Ishtonshaman paranta pei xatebeirani joni joa iki, moa nontin naneti jokin oina ronki ika iki jawen awin iwanain mapores tsamata. Jaskatax ainbo mapo baneta iki.

Jane:

Mapo ainbo ini

Axeamisnin axeanoxon onanti

Axeamisnin bakebo jan teeti kirika menixon oinmai.

Bakebo yokabo awe.

- ¿Jawe yoimein ikai nato wisha ikain?
- ¿Jawekopimein ja yoi ikai nato wisha ikain?

Bakebaon joi ninkata pekao, axeamisnin bakebo betan “Mapo ainbo ini” yoyo akai.

Bakebo yokatai.

- ¿Jawe yoi ikaki axeamisnin yoyo aka?
- ¿Joninki jawen awin jaweaka iki?
- ¿Ainbomein jaweki raketa iki? ¿Jawekopiki?
- ¿Jaweki winota iki ja ainbo?

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Mesko ribojo.

Ribojobo oinxon axeamisnin akinaton yoyo awe.





Jane:

Mapo ati

Axeamisnin axeanoxon onanti

Axeamisnin natoti jaweki axeti xobonko beai.

Mapo, yamaketian mai pishan axon, onpax, botiria mapoti. Wetsabaon akai tasoman ompax bixon maiya meskokin.

Axeamisnin yoiai mai meinnoxon neskaakin tee awe.

- Rekenpari mai ichamabo biai.
- Botiria tapan onpax bixon maiya meskoti.
- Mai meinai wachoshaman pikotai kaman.
- Mai meskoa bixon westiora kenpobo ati.

Westiora bakebaon jan tee akabo yoiai.

Jan teeti kirika jato meniwe.

¿Tsoabaonki tee akinai?

Axeamisnin.

¿Jaweranoxonki tee akanai?

Axeti xonbonko.

¿Jawe jawekiboninki non tee akai?

Mapo iamax mai meina, rapis, jan teeti kirika itan jan sikati.

Mai meina shinanxon tee awe. Tasoman iamax botiria mapoti onpax bixon maiya meskoaki jawekeskara pikota jaskara mai ribojanwe.





Jane:

Jaskaakin mapo ati onanti

Axeamisnin axeanoxon onanti

Mapo pachiai kikin wachoshaman inonkaman.

Japekaora mei potoya meinnai, jaskaakin senen axon akai ichatama bibokin tarankin, metotinin rastontiobo.

Jaskaakin seneanxon moa akai mapo tsamankin peokin, jawetio aniki akasai jatio. Jaskaaxon akanai westiora xapan benxoabokin, keyoaikaman.

Moa jankeanxon maox pachixon sikai choshiaitibi sikai joxoshaman banetaikaman yasanai. Jainxon makaman renkeai, ja pekao itawana xakixon keneakai. Jainxon keneakai aninpari ja pekao beshekan akai, axon bariankanai.

Bakebo yokawe neskaakin: ¿rekenki non jawe akai?
¿Ja pekaokan jawe atiki?

Chomo, kenchá, kenpo akin seneanxonki jawetio basi barin ati iki.

Axeamisnin jan teeti kirika pei senentiain itina pei T5 tsekaxon jato meniwe.


¿Tsoabaonki tee akinai?

Yoxaman.

¿Jaweranaxonki tee akanai?

Yoxaman xobonko.

Jaweki axon non yoiai, reken aka itan japekao aka, rama ribojo oinxon taxnanwe. Japekao aka jawekibo.





Jane:

Mesko mapo axon jan jaweki napotibo

Axeamisnin axeanoxon onanti

Axeamisnin bakebo yoiai mesko mapo akin pikoabo iki icha, jabo iki natobo:

Kenpo, chomo, kenchu, kenti, tonkon ati (xeati ati, piti kobin ati, onpax biti, rao kobianti) mesko jan atibo iki.

Bakebaon yoiai jaweranoki nato jawekibo ja.

Jan teeti kirika jato meniwe.

Seneanxon yoia ninkawe, jawe janerin jan jaweki benxoatibo.

Westiora bakebaon yoia ninkawe jawerato mapo jawen titan akaiki jan oina iki jaweki jain benxoai.

Westiora bakebo meniwe westiora mapo.

Jainxon yokawe jaweki jain min titan benxoai.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xonbo.

¿Jawe jawekiboninki non tee akai?

Rapis, jan teeti kirika.

Westiora serekan biananamawe jawerato mapoki jan yoabo jain napoti iki.





Westiora

Tsiniana mesko mapó pikoa

Axeamisnin axeanoxon onanti

Axeamisnin bakebo yoiai axetixobo napo mesko mapobo axon kirikani ribojanxon bea.

Bexon jonea, bakebo yoiai merati, meraxon tsamanti axetixobo napo.

Jainxon bakebaon yoiai mesko jisa mapo aka ribojana merakana axetixobo chicho.

Axemisnin bakebo yokatai.

¿Jaweki maton mera? ¿tsonki yoitiki jaweborin ixon?

¿Jaweti chomoki ika? ¿Jaweti kencha, kenporin? ¿Jaweratoki westiorabicho iki? Oinxon yoikanwe.

Axeamisnin bakebo tsinikinai, mapo taranxon meken rebon tekikin mayakin tsaman tsamanbainti iki. Jainxon xapan wexakin senen inon ixon. Moa jankeanxon maox pashin jsatonin sikai choshiaitibi sikai joxoshaman banetai kaman yasanai. Jainxon makaman renkeai, ja pekao itawana xakixon keneakai. Jainxon keneakai aninpari ja pekao beshekan akai, axon bariankanai.

¿Tsoabaonki tee akinai?

Axeamisnin.


¿Jaweranaxonki tee akanai?


Axeti xobonko.

¿Jawe jawekiboninki non tee akai?

Mapo, kirika pei, masen, onpax, xapa, maox itan wetsa jawekiboribi.

Mapó meina bixonki min tsinianan jawekeska jisa jawekibo pikoa. Westiora min kena ribojanwe, jainxon toponwe westiorakaman.





Jane:

Non mapó itan wetsabaon mapó akaibo onanti

Axeamisnin axeanoxon onanti

Axeamisnin non mapo itan wetsa join yoyo ikaibaon mapo ribojanxon beai.

Bakebo mesko yokabo axon jaton shinan onanai.

- ¿Non mapo aka jisarin?
- ¿Jawekopiki wetsaresbi iki?
- ¿Keneyarin?

Rabe bakebo biananamaxon jato tsinimawe, ja jisa ribojobo katoti iki.

Jan teeti kirika jato meniwe.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobo.

¿Jawe jawekiboninki non tee akai?

Mesko mapo ribojanabo, jan taxnanti, rapis.

Ribojo oinxon yoiwe. ¿Non titan mapo akai jisaborin? ¿Jawekopiki wetsaresbi iki? Wetsabaon mapó akabores torokan ashtaxon, min titan mapó aka ribojana sikawe.





Jane:

Bakebo onpax bii kai joyokana

Axeamisnin axeanoxon onanti

Bakebo joyomawe, ramara noa tsiniai onpax bii kai iki. Jainxon jato yokawe, ¿jawekeskatiki mato joyota? ¿Tsoaki rekena?

Jainxon jato yoiwe anichabaon boti jawekibo, jato meniwe.

Jaixon jato yokawe, tsoabaonki jaweki boai, westiorabo jato yokawe, tsoa pekaoririn mia, mi bebon ikaki tsoa iki.

Senenxon yoikanai, jaskaati tsinikana.

Meskotiboribi jato tsinimawe rekena, ja pekao itan ja patax iki.

Senenxon yoikanai jaskaati tsinikanabo.

Jan teeti kirika jato meniwe.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?


Chomo, kenpo, kenti itan wetsa axeti xobonkonია jawekiboribi.

Bakebo onpax bii kakin bokanai jawekibo jato meniwe, ja rekena kenpo meniwe, ja chinita sikawe. Jainxon jaskatax joyokana yoiwe.






Isa Meanra



boe xoi betan paranta xoi



napoxon pike.

Pia pekao



chokai kaira,

tati ikaini jawen



paketax toeke.

Kenchaki ika imaa

Axeamisnin axeanoxon onanti

Axeamisnin ja tee atibo bakebo yoi.

Jan teeti kirika jato meniwe.

Axeamisnin bakebobetan “Kenchaki ika imaa” yoyo akai.

Jato kenmawe imaa ninkati, jainxon jakiribi imaa yoyo awe.

Wetsa kirikainoa ribojo tsekaxon yoyo abainkin ja itinkobo taxnanwe.

Mesko yokabo axon bakebaon shinan onanwe.

- ¿Jawe yoi ika imaaki axeamisnin yoyo aka?
- ¿Jaweki Isa Mean aka?
- ¿Jaweki kenchakan aka?
- ¿Jawe ikia Isa Mean kenchacha?

Axeamisnin jan teeti kirika pei senentain itina pei S3 tsekaxon jato meniwe.

¿Tsoabaonki tee akinai?

Axeamisnin.


¿Jaweranaxonki tee akanai?


Axeti xobonko.

¿Jawe jawekiboninki non tee akai?

Kenchacha ribojobo, jan taxnanti.

Kenchaki ika imaa yoyo abainkin, ribojo tsekaxon ja itinkobo taxnanwe. Jainxon minbicho yoyo akin tanashokowe.





Jane:

Korin Katen bababo mapo axona toponti

Axeamisnin axeanoxon onanti

Bakebo yoiwe ja tee akanai.

Jan teeti kirika jato meniwe.

Jainxon jain tee akanai.

Seneanxon ja tee akana yoikanai.

Ja pekao axeamisnin bakebo yoiwai mesko jaweki axeti xobonko jayatanin tsiniti. Jainxon jawetikamanki jan teeti kirikain topoxon wishakana, jakiribi jati jato yoiwe, rabe itan kimisha jaton kenshaman jaweki katoxon toponti. Jabe axeai betan bianananson toponkanai.

Westiorabaon yoiwai.

¿Tsoabaonki tee akanai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Rapis, mesko mapo kirikani ribojana.

Jaweti ribojantiki westiora chitemeranbo yoiwai, jati ribojanwe jainxon, topoxon yoiwe.





Jane:

Kirika samatabo tana

Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsobetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.







Yoina ati

Choyachaki ini



Westiora neteronki Inin Bita jawen bake Kanan Jisma betan yoina benai ka iki, Jisma... too atia ka iki, ja meke, mekekaina iki, yoina sotanxon oini. Jainxon oinaronki chaxo chankatoshita iki. Moa too akaibironki chaxo wenikainax ishtoa iki.

Chankatixon oina iki ja ochoma mapo wisoreskaini biri ikawana iki. Jatian shinana iki nokon papa riki ixon, ikenbi xoin, xoin ikai ninkatai. Jakiribi iribai ninkataki ja bebonmeax ikai jisa, kewinkin xoin aka, ja bebon bebonresi.



Jainxon oinaki bai yama, ratetaxki kikin koshin sai ika iki. Jainoaxki niweya oi paketa iki. Jaskataxki benota iki rabe yame itan kimisha nete.

Jaskatax Jisma benotax yosmashoko ika iki. Choyachakironki ikai chaxoki yoimeti, jato benomanox. Yoinabo retekanaitian sinatironki ikai jaskati. Jakopi yoinabo keyo retetima iki.



Choyachaki ini

Axeamisnin axeanoxon onanti

Bakebo jan teeti kirika jato meniwe, imaameran ika ribojobo oinxon yoyo akanon.

Bakebo yokawe ja imaaki jawe yoi ika iki.

¿Jawekopiki ja yoi ikai?

Bakebaon yoia ninkawe.

Axeamisnin jainmashaman bakebo imaa yoyo axonai. Ninkakastimakanaitian jakiribi jato yoyo axonwe ja imaa, bakebaon jakon akin ninkaxon yoiti kopi.

¿Jawekopiki yoinabo koiranti iki?

¿Jaweki non imaameranoa onana?

Axeamisnin imaa bakebo yoyo axona shinankinwe.

¿Jaweki Choyachakin koiranai?

¿Jawekopiki Choyachaki joniboki sinatai?

¿**Tsoabaonki tee akinai?**

Axeamismin.

¿**Jaweranoxonki tee akanai?**

Axeti xobonko.


¿**Jawe jawekiboninki non tee akai?**

Mesko ribojobo jan wishati, jan sikati, jan taxnanti.

1. Jawe yoi ikarin. Torokan xepowe.




2. Choyachakinmein jawe koiranai. Ribojanwe.





Jane:

Choyachaki ini

Axeamisnin imaa Choyachakin joni benomani, yoyo aka ninkaibata shinanxon mia yokatabo ninkaxon yoiwe. Jainxon ribojanxon sikawe.





Jane:

Yoinabo keotai mawati

Axeamisnin axeanoxon onanti

¿Bakebo matonki jawe yoinabo onana?
¿Jaweranoki ja yoinabo ja? ¿Jawekeskatiboki keotai? Bakebaon ja onankana yoiai.

Axeamisnin jeman pikokinxon jato toro imaxon yokapakeai, jawe yoinaki mia ikai.


Bakebaon ja yoina katota mawakanai jaskati keotai itan niai.


Axeti xobomeran iwexon jato jan teeti kirika menixon yoiwe. Jawe yoinaboki min oinai. Wetsa kirikainoa ribojo tsekaxon ja itinkobo taxnananwe, jainxon min ken yoina ribojanwe.

¿Tsoabaonki tee akinai?
Axeamisnin.

¿Jaweranoki tee akanai?
Axeti xobonko.

Ribojobo oinxon yoiwe ¿Jawekeskatiki keotai? ¿Jawekeskatiki niai? jainxon min ken yoina ribojanxon mawawe jaskati keotai.





Jane:

Yoinabo jan reteti

Axeamisnin axeanoxon onanti

Paranshoko rabe moxo too ati, paranta tako iamax kirika katoxon akatonin tsiniti jato yoiwe, yoina retei iki.

Rabe bakeribi ikai yoina reteai tsinkiai, kimisha bake yokawe jawe yoinaki ikasai, ja yoina jato imai. Jatiribi bakebo ikai mesko yoinabo jisati iki.

Ja rabe bake too ati menixon betiti yoiwe. Jaskatai oinax ja yoinabo joneti jake. Ja jonetabo meraxon too ati jake. Jawetianki too akai jainbi rakakanai. Jatianbiri ja yoina tsinkiabao ninikin bexon jato patax tipinai.

Axeamisnin yoiwai kimisha yoinares too ati.

Jainxon toponkanai jaweti yoinaki too akana itan jawe yoinarin ixon.

¿Tsoabaonki tee akinai?

Axeamisnin.

¿Jaweranoxonki tee akanai?

Axeti xobonko.

¿Jawe jawekiboninki non tee akai?


Jasin, awa, ino, janaka, yawish ribojana..

Yoinabo retei iki tsinikin jaweti anoki maton retea, toponxon chitemeran jati wishawe. Jaskaribiakin jaweti bakerin ribojo meran toponxon wishawe.







1




2





3



4



5



Jane:

Kirika katoxon yoyo imaati

Axeamisnin axeanoxon onanti

Jan tee ati jato meniwe.

Westiora bakebo katomawe jawerato yoinaki yoyo imaati atiki.

Axeamisnin jaskaaxon ati yoia chibankin bakebaon akai jaton tee.

Westiora bakebaon wetsaresibi yoina ja yoyo imaati akai.

Seneanxon jeman pikokinxon bakebo tsinikinwe yoinabo mawai iki.

Westiorabo yokawe jawe janeki jaton yoina imaati janekana.

¿Jawerato yoinaki maton ja yoyo imaati aka?

¿Jawerato jaweki mato jan teeta?

Jawekekati noa tsinia ja yoina imaati akax.

¿Jatibi ja yoinaboki jaskara jisabires iki?

¿Jawe yoinayaborin mato?

¿Tsoabaonki tee akinai?

Axeamismin.


¿Jaweranoki tee akanai?


Axeti xobonko.

¿Jawe jawekiboninki non tee akai?

Jan tee ati jawekibo, jan wishati, jan taxnanti, jan xateti.

Min oinaki jawe ribojana iki, jaskaakin ati yoia chibanbokin axon yoiwe.





Jane:

Ribojo oinxon imaa pikowe

Axeamisnin axeanoxon onanti

Jan teeti kirika bakebo meniwe. Jainxon wetsa kirikainoa ribojo tsekaxon jato ointi yoiwe.

Axeamisnin bakebo yoi netexon ninkatai. Rama netera non tee akai, mesko ribojora non yoyo imai: mesko ribojo jato oinmawe,

Moa oinkana pekao, westiora ribojopari jato oinmawe.

Bakebaon ribojo oinbokin westiora imaa pikoai.

Axeamisnin mesko yokabo axon akinai.

- ¿Jaweakiki ikanai?
- ¿Jaweranoki ikanai? ¿Tsoaborin?

Bakebaon ribojo oinxon yoi ja yoi ika ja imaa pikotai.

Jawekeskaxonki non atiki tsinkixon.

Ribojobo jakon akin taxnanwe westiora tsama ikainko chosko bakebo ixon.

Rama mia jabe ikabo betan shinan imaawe.

Axeamisnin jan teeti kirika pei senentiain itina pei T6 tsekaxon jato meniwe.

¿Tsoabaonki tee akinai?

Axeamisnin.


¿Jaweranoxonki tee akanai?



Axeti xobonko.

¿Jawe jawekiboninki non tee akai?

Chosko ribojo.

Ribojobo oinxon yoiwe, jaweakimein ikanai jonibo ja ribojomeran, ja oinxon imaa pikowe. Ribojo taxnanwe.





Jane:

Jaskatax bake isani

Axeamisnin axeanoxon onanti

Bakebo torokinax yakawe jainxon jato yokawe
¿matonka ninkata iki “Yoitima bake ini ” Koka
ikai isa ¿jawe inimein iki ja isa koka ikai?
¿Jawekeska winotamein itiki? ¿Tsoa inimein
iki? ¿Jawerano winotamein iki? ¿Matoki
onankasai?

Bakebo yokawe.

Bakebaon shinan ninkata pekao.

Axeamisnin bake jaskatax isani jato yoyo
axonai.

Westiora jonironki sipan mishki ka iki iaman.

Ja mishki itaibironki jiwi ani ian napon
chankata. Niwe rao akanai jiwi kaibira. Jawen
bimi manai piaxonki yapabo isabaina iki.

Jaronki ja jonin pei bixon jawen xobonko
bexon chaka iki. Jainxon jema katekin
kashiaka iki onanoxon, jawemein noa winotiki
ixon. Ja yameronki ika iki jema tes ishini netei.
Moa netexabaketianronki jawen bake benbo
mari maspoaibata oini kaitian jawen titan yoia
iki. Kayamawe noara jakoma jaweki winonake,

maira tes ishinai akin. Akabironki yoitimatax
jaa bake ka iki, ja sotani imaxon ninkataronki
ika iki jonibo saa iki. Oinakaironki ika iki
jawen jema keyati. Jaronki ja bake ishtoi
joxonbi ketores weresh atoshia iki. Moa neti
atipayamaxronki ika iki ea potayamawe koka,
ea biwe koka iki. Jaskatax banenironki iki joni
isati. Ramakamanbi non ninkatai jaskati isa
keotai. Koka iki.

Jan teeti kirika jato meniwe.

Jaweki noa nato wishameranoax axea.

Ribojo oinxon bakebaon yoiai jawe akiki ikanai
ixon.

¿Tsoabaonki tee akinai?

Axeamismin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Mesko ribojobo, jan wishati, jan sikati, itan jan
taxnanti.

Jawekeskaraki min shinanai jaskara bake winota ninkaaxon. Ribojobo oinxon ja patax bemana raro itan onis ribojanwe. Jainxon yoie jawekopimein non anibaon joi ninkatai iti iki ixon.





Jane:

Yoinabo retei iki tsiniti

Axeamisnin axeanoxon onanti

Bakebo jeman pikokinxon tsinikinwe.

Axeamisnin mesko jan yoina reteti ani kirikain ribojanxon, xatepakexon beai. Pia, kanoti, tepi, too ati, trampera.

Chosko tsama bakebo imawe. Jainxon ribojo xatepakeabo jato menixon jakoankin joyonkin rakanxon wetsa kirikain jato taxnanmawe. Ja tsamabaon yoikanai jawe ribojorin ixon.

Axeamisnin mesko yokabo akai. ¿Jawe yoinaboki nato jawekibaon non reteai?
¿Jawebaonribiki non yoinabo retetiki?

Axeamisnin bakebo jeman pikokinxon yoi ai jaskati tsiniti.

Chosko tsama imaxon, ani kirikain ribojo taxnanwankanabo meniti. Jawetianki axeamisnin yoi a. Enra mesko yoinabo reteke, iketian bakebo ja kirikain kikini kataxananax yakati jake. Moa senenketian jato yokatai.
¿Jawe ribojoninki mato yakata? ¿Jaweakimein ikanai ja jonibo? ¿Jawenki retekana?

¿Jawebaonki yoinabo retekana? Oinon yoita, jainxon min papanki jawekeskaaxon yoinabo reteai ja ribojores raoawe.

Bakebaon yoi ai jan yoina retekanaiton yakata.

Axeti xobonko iwexon, jan teeti kirika jato meniwe.

Senenketian axeti xobonko jato iwewe.

Bakebaon yoi ai ninkawe, jainxon jato yokawe jaweti yoinaki retekana.

Bakebo mesko yoina ribojo meniwe.

Chitemeran bakebo taxnanmawe rabe yoina tsinikin retekana.

¿Tsoabaonki tee akinai?

Axeamisnin.

¿Jaweranaxonki tee akanai?




Axeti xobonko.

¿Jawe jawekiboninki non tee akai?

Too ati, pia, kanoti, tepi itan trampera ribojana.





Jane:

Mesko yoinabo

Axeamisnin axeanoxon onanti

Axeamisnin bakebo jeman pikokinai. Bain kakin mesko yoinabo ointi jato yoiai.

Axeti xobonko jakiribi bakebo iweai.

Bakebo yokawe, jaweki oinkana jeman pikoxon.

¿Jaweska jisa yoinaboki oinkana?

Westiorabaon yoia ninkawe, jawekeska jisa yoina oinaki yoia.

Jainxon westiora bakebo meniwe westiora kirika pei, jain ribojankanon westiora yoina.

Seneanxon yoikanai jaskara jisa ribojankana.

Axeamisnin yokabo jato akai.

¿Jawekeska jisa yoinaboribiki maton onana?

Ja chitemeran mesko jisa yoina ribojana oinxon ashta awe, jaskaakin ati yoia ninkaxon.

¿Tsoabaonki tee akinai?

Axamisnin.


¿Jaweranaxonki tee akanai?

Axeti xobonko.

¿Jawe jawekiboninki non tee akai?

Jan teeti kirika mesko yoina ribojoya.

Ribojo oinxon tee awe, jawekeska jisa yoinaboki chitemeran iki, ja naman ashta awe, ja ati yoiabores. Jainxon yoiwe jawekeska jisa yoinarin.





Jane:

Kirika samatabo tana

Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsobetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.







Yoabo biti



Jane:

Reken atsa tapon mexaxon ati

Axeamisnin axeanoxon onanti

Westiora yoxan jawen xobon benaxon yoiwe, axeti xobonko jonon. Bakebo axeaki jonon jaskaaxon reken atsa tapon mexaxon jaskaati, ani atsa tapon iti kopi.

Yoxaman bakebo axeai atsa tsismanya kobin ati.

Jakiribi bakebo axeti xobonko iwewe, jato betan yoyo iwe jaweki yoxaman jato axea.

Jan teeti kirika jato meniwe.

Bakebaon ribojo oinxon yoiwai jawekopiki reken atsa mexaxon tsisman betan kobin ati iki.

¿Tsoabaonki tee akinai?

Yoxaman.


¿Jaweranaxonki tee akanai?




Yoxaman xobonko.

¿Jawe jawekiboninki non tee akai?

Jan wishati itan jan sikati.

Ribojanxon sikawe jawerato yapaki reken atsa tapon mexaxon jaya kobiantiki, atsa tapon anishamanbo iti kopi.





Jane:

Mesko bero banati tsinkia

Axeamisnin axeanoxon onanti

Bakebo yoxaman xobonko merakin iwewe, jato axeanon ixon jaskaakin banati berobo benxoati.

Westiora bakebo iamax rabebo biananaxon, icha banati berobo jato meniwe. Jainxon westiora iamax rabe botiriabo menixon bochoamawe.

Bakebaon tsinianan kimisha itan chosko kaman toponxon yoikanai.

Yoxaman jato axea pekao, axeamisnin bakebo bero benxoakanai jakiribi banati kopi wetsa baritia joaitonin.

Axeamisnin bakebo yoiai jaskaakin tee ati,

yoxaman jato axea chibankin.

Jan teeti kirika bakebo meniwe.

¿Tsoabaonki tee akinai?

Yoxaman.


¿Jaweranaxonki tee akanai?

Yoxaman xobonkoxon.

¿Jawe jawekiboninki non tee akai?

Mesko bimi berobo, jan wishati itan jan sikati.

Jaweti botiriaki bero banati napota bochoya iki toponxon chitemeran wishawe. Jainxon jaweti botiriaki beroyoma itan xepotioma iki jati chitemeran wishawe, jawetirin toponwe.





Jane:

Yoabo

Axeamisnin axeanoxon onanti

Axeamisnin axeti xobonko yoabo boxon bakebo onanmai.

Westiora sakon yoabo napoxon bakebo yoiwe ja chichokeyabi bixon yoiti jake jawe janerin ja yoa.

Bake ainbo itan benbo yoiti iki, jakon jawekiati, yora koshi meniaibo piti, yora koshi iti kopi itan jakonax anitikopi.

Jan tee ati kirika jato meniwe, jainxon ja senentianko mesko ribojana xatetiboribi.

Bakebo yoiwe, ¿jawekopiki non jakon jawekiati iki?

¿Tsonbi yoabo banayamaki jawe winoti iki?

Axeamisnin jan teeti kirika pei senentian itina pei T6 tsekaxon jato meniwe.

¿Tsoabaonki tee akinai?

Axamisnin.


¿Jaweranaxonki tee akanai?





Axeti xobonko.

¿Jawe jawekiboninki non tee akai?

Mesko yoabo ribojana, jan taxnanti, rapis, besteti.

Jawerato yoaboki jan yora koshiakaibo iki itan jakon yora animaibo iki, jaweratoboki jan yora isin meniabo iki, bake rabe ribojana oinxon ja ponte iti jawekibo taxnanwe.





Jane:

Atsa mexati iki tsiniti

Axeamisnin axeanoxon onanti

Atsa mexai iki joni iti.

Ea ibanon wai ibo.

Noa ikai ja papiaibo.

Jeman bakebo pikokinxon tsinikinwe atsa mexai iti.

Bakebaon katotai jan jato tsinikinti.

Bake ainbo, benbo ikanai paston joyotax pitsonkin yatanai, kikin koshin.

Ja wai ibo ikai jawen wai manishyora iketian oroi oken ibekoni, jawetianki bakebo joyota bebon winotai, jatianra otexkanti jake, ja ibo ikai eri manishyora ikaxra bina icha iki. Moa orokin seneanxon ja rekena itina mekeman yatanxon koshin niniti jake, atsa mexai jisakin. Jaskaakin jatibi bakebo ninipakekin biai.

Axeti xobonkonია jiwi xatebo bakebo meniwe jan tsiniti.

Axeamisnin mesko jawekibo jato meniai toponkanai chosko 4 kaman itan pichika 5 kaman.

¿Tsoabaonki tee akinai?

Axamisnin.

¿Jaweranoxonki tee akanai?

Axeti xobonko.

¿Jawe jawekiboninki non tee akai?

Mesko jiwi xatebo, peibo, bimi berobo.

¿Jaweakiki bakebo ikanai? Jaweti bake ainbo itan benborin jati toro sikawe. Toponwe kimisha itan chosko kaman.





Ea riki joshinax panshin
joshintanishaman,
ochokeaxbi inin poatai,
kokoa batashaman, kikin
jene, xakixon xeatiribi.
¿Tsoarin ea?

Ea riki toro, nokon yora riki
joxon sionya, nokon napo
riki joshin, bero pancha, kikin
bata itan jeneshaman.
¿Tsoarin ea?

Nokon yorariki tawa jisa, nenke,
rataxonra ea kokokanai, nokon
jene riki bata. Jaskaribiakinra
ea potsixon nokon jeneya xeati
tokonkanai.
¿Tsoarin ea?

Shinanxon biti

Axeamisnin axeanoxon onanti

Bakebo yoyo axonwe shinanxon biti.

Jan teeti kirika bakebo meniwe, jainxon ja wishabo jato xateti yoiwe.

Jakiribi yoyo aribawe bakebaon ninkanon, jainxon shinan biti kopi jaweratoki ja yoi ika iki

Kimisha kokoti yobin jato oinmawe, ja kimishainkonia iki westiora ja yoi ika. Jaskaaxon bakebo shinan meniwe, jaweratoki ja yoi ika iki.

Axeamisnin akina rabe shinanxon biti axeax tanakanai.

Jawerato wishaki ja yoi ikai ixon ja ribojobetani taxnanwe.

¿Tsoabaonki tee akinai?

Axeamis.

¿Jaweranoxonki tee akanai?

Axeti xobonko.

¿Jawe jawekiboninki non tee akai?

Jan taxnati, jan xateti, jan teeti kirika.

Axeamisnin jaskaakin tee ati yoia ninkaxon awe, wetsa kirikainoa ribojo xatexon taxnanwe tsinianan axeamis betan shinanxon biti yoyo awe, kikin akin ninkaxon ja yoi ika ribojo yoiwe.





Jane:

160



Rabiti santiraki ika



Santira, santira, icha santira,
titashokon wainko tipia anishamanbo.



Santira batashaman, kaxkea
joshinshaman santirashaman.

Titan banati santira, basima
xoxoai.



Nokon ken santira.

Irake



Rabiti santiraki ika

Axeamisnin axeanoxon onanti

Bakebo jeman pikokinxon santira yometsoi iki jato tsinikinwe.

Westiora ikai ibo, wetsa ikai ochiti.

Jatiribibokan santira anishamanbo.

Santiraki ika rabiti bakebo yoyo axonwe.

Jakiribi jato yoyo axonwe, jainxon jato yoiwe mia kechibanti.

Westiorabo tanatai, jeman pikoxon yoiai jaskati ika rabiti axea.

Jan teeti kirika jato meniwe.

Axeamisnin rabiti yoyo axona ninkatax axekanai.

Bakebaon chibanai metotinin rabiti axeamisnin yoyo akaitian, icha iki tanakanai.

Jatobicho tanakanai.

¿**Tsoabaonki tee akinai?**

Axeamisnin.


¿**Jaweranoxonki tee akanai?**


Axeti xobonko.

¿**Jawe jawekiboninki non tee akai?**





Rapis.

Axeamisnin yoyo axona ninkatax rabiti axewe, jainoax tanawe miabicho.





Atsa poto ati



Jane:

Atsa poto ati

Axeamisnin axeanoxon onanti

Atsa tobanoxon atibo.

Rekenpari atsa mexai, atsa xokai, chokai, atsa payonon ixon nontin jeneya axon montankin.

Tobanoxon potsiti.

Bakebo yoiwe ointi jaskaaxon atsapoto ati.

Yoxan betan yosin ese ninkati.

Bakebaon yoiyai jaskara oinkanabo

Jaweboribiki basi benxoati iki.

¿Jawekeskaaxon atsapoto aka?

Ja axekana jawekibo tanakin wetsa shinan betan taxnakia ixon yoiyai.

Bakebaon yoiyai ja axekana jaweki.

Reken jaton shinan ibata jaweki rama jawekeska iki, yosi yokaxon ninkata pekao.

Bakebaon yoiyai jaskara jaweki axekana.

Axeamisnin jan teeti kirika pei senentiain itina pei 163 tsekaxon jato meniwe.

¿Tsoabaonki tee akinai?

Yosin.


¿Jaweranaxonki tee akanai?



Yosin xobonko.

¿Jawe jawekiboninki non tee akai?

Karo, jan tobanti, chiwinti, xeni, onpax.

Ribojo xatexon taxnanwe, jaskaakin atsa poto ati ribojana oinxon jakon akin joyonwe.





Jane:

Jaskaakin paranta joshin xeati ati wisha

Axeamisnin axeanoxon onanti

Bakebo betan yoyo iwe, paranta joshin xeati ati jato onamawe.

Jan atibo:

1. Yamikenti
2. Karo
3. Onpax
4. Moxo chachiti

Jaskaakin ati:

Paranta joshin xeati ati riki, jaweti icha jonin xeatiki oinxon.

Paranta joshin xokaxon yamikentin napoti iki. Jainxon onpax axon beyasanti iki chi xenaketian, moa kikin waketian botexon chachiwe.

Axeamisnin jato akina bakebaon paranta joshin xeati akai.

Bakebaon paranta joshin xeai.

Jan teeti kirika jato meniwe

¿Tsoabaonki tee akinai?

Axeamisnin.

¿Jaweranoxonki tee akanai?


Axeti xobonko.

¿Jawe jawekiboninki non tee akai?

Jan atibo: paranta joshin, yamikenti, moxo chachiti.

Jaskaaxon paranta joshin xeati aka yoiwe, rama jawerato ribojoki ja xeati ati iki ja sikawe, jainxon yoiwe jawen jane.





Jane:

Mesko yoa itan yobinbo

Axeamisnin axeanoxon onanti

Bakebo yoiwe torotax yakati, japekao jaton kenshaman yobin itan yoa shinanti.

Westiora, westiorabaon yoiyai, jawekopiki jawen kenshaman iki ja yobin itan jawe janerin yoiwe.

Axeamisnin mesko yobin itan yoa ribojanxon bea bakebo oimai.

Kimisha tsama imaxon jato yoiyai, jawerato ribojorin ja jekan pekotabo ixon katoti.

Axeti xobonkonია jawekibaon tsinikanai, jawe jawekiborin ja jekan pekotabo iki.

Jan teeti kirika jato meniwe.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Rapis, jan teeti kirika.

Chitemeran yobin itan yoabo ribojana oinxon jaweratoki ja jeekan pekota iki ixon westiora serekan biananamawe.






2

3

4



5

4

3



4

3

5

Jane:

Yoabo itan yobinbo joshina onanti

Axeamisnin axeanoxon onanti

Axeamisnin bakebo axetixobon wainko iwexon jato onamai yoabo mexati, jaskara iketian biti.

Paranta bikin ointi iki jawen mentsis wiso riki moa satanshaman ja riki biti.

Kankanra tsekati iki panshinshaman iketian.

Santira binoxon noranbepariti iki, noranbea panshinshaman iketian ja riki biti.

Chikiraya tsekati riki moa choshi iketian, raox arakanai panshin, jara bitimapari iki, maxkapariketian onanxon.

Tama mexanoxonra non ointi iki moa pei tatininai (taponamamea ika pei manai)

Sio bikin riki ikai matoaketana oinxon jara chinixon biti iki.

Aros taxteti riki panshinshaman iketian.

Waran bikinra biti ramanxantani itan panshinshaman oinxon.

Bakebo jakiribi axeti xobonko iwewe.

Jan teeti kirika bakebo meniwe.

¿Tsoabaonki tee akinai?

Axeamisnin


¿Jaweranaxonki tee akanai?

Axeti xobonko

¿Jawe jawekiboninki non tee akai?

Rapis, jan teeti kirika.

Ribojobo oinxon, jawekeskara iketianki non yoabo itan yobinbo biti iki, toponxon jati paketa ashtawe.





Jane:

Kirika samatabo tana

Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsobetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.


¿Jawe jawekiboninki non tee akai?

Jan tee ati kirika.

¿Jawerato tee mia axeaki min kenshaman ika? Ribojanwe.







**Yapabaon itan
peiya yoinabaon
bachi biti**

Yapabo isani



Weamanronki "Niwe rao" raston kenita ipaonike. Bari joaikiri oinkana biri, biri ishamani, niweaimabiki peibo peri, peri ishamani. Barin aka jawen bimi toeti metsa, metsashamani "Tsas teenn" joaxki jenkinso paketi "Tsonn iki" jaskataitian ja bimi piaxki yapabo isati pexx iritanan oa noyakaini, moakaya isata. Jaskatax make baneta iki xawan, maxkocha makebo pishpish, picha baneta iki xoto. Wetsa yapabobira jawe isabo ika iki. Jaskatax yapabo isata iki.

Jaskatax yapabo isani

Axeamisnin axeanoxon onanti

Axeamisnin bakebo iweai, wetsa neten yosi yoibatax, jaskatax isabo pikoni yosin yoiai ninkamakin jato iweai.

Axeti xobonko jakiribi bakebo iwexon jato yokawe yosin jato axea.

Yosin yoia ninkata pekaoki jawekeska shinankanai.

Bakebo jan teeti kirika meniwe.

Mesko yokabo axon bakebaon shinan ninkawe.

- ¿Jawe yoimein ikai nato wisha?
- ¿Jawekopiki ja yoi ikai nato wisha ikain?

- ¿Jaweki yapabo winota iki?
- ¿Jawe ikiakana iki ja yapabo bimi piax?
- ¿Jawe jane raoki yoiai?

Bakebaon ribojo oinxon yoiai ja yapa isatabaon jane.

¿Tsoabaonki tee akinai?

Yosin.


¿Jaweranoxonki tee akanai?

Yosin xobonko.

¿Jawe jawekiboninki non tee akai?

Isabo ribojana, jan sikati, rapis.

Axeamisnin jaskara winota yoyo aka ninkata pekao, ribojo oinxon jaskaakin min ninkata mibe bakebo yoiwe.





1. ¿Jawe yoi ikaki non ninkata? Ashtaawe.




2 ¿Niwe rao bimi piaxki jawe yapabo baneta iki? Ribojanwe.

Jane:

Jaskatax yapabo isani

Axeamisnin jaskatax bake isani yoia ninkata pekao shinanxon mia yokatabo ninkaxon yoiwe.





Janbirokoti

Tomin xomi piai
xomi piai tomi,
tomin piai xomi bimi
tomi xomi pii.



Janbirokoti

Axeamisnin axeanoxon onanti

Bakebo ja ati yoiwe.

Bakebo yoiwe westiora ribojo tsekati. Jainxon westiorabaon yoi ai jawen jane itan jawen jisa.

Iti iki ani, maxko, wiso. Jaskaakin yoikanai.

Jato yokawe, mesko jaweki janei tsiniti.

Ja pekao bakebaon yoi ai ninkawe.

Jan teeti kirika bakebo meniwe.

Bakebaon axeamisnin yoyo akai chibanai.

Bakebaon yoyo akai janbirokoti jaton atipana kaman.

Jainxon jakiribi jato yoyo axonwe.

Ichaakin jato yoyo axonwe.

¿Tsoabaonki tee akinai?

Axeamisnin.


¿Jaweranoxonki tee akanai?







Axeti xobo.

¿Jawe jawekiboninki non tee akai?

Besteti, jan taxnanti, rapis.

Axeamisnin akina janbirokoti yoyo awe, ninkaxon chibanwe, jakiribi yoyo aribawe, jainxon koshinchabires yoyo awe.





Jane:

Atapa jaskati jaa

Axeamisnin axeanoxon onanti

Bakebo yoxainba merakin iwewe. Jaskatax atapanin bachiakai yokaxon onankanon.

Axeamisnin bakebo iweribiai axeti xobonko.

Jainxon jato yoyo ikinai jaweki jato yoxaman axeaka.

Bakebo yoiwe ja tee akanai.

Rabe tsama imawe. Jainxon westiora iti jake atapa. Jatiribibo ikai ja bachibo. Jainoax moa toshitax jawen tita chibani nii xena pianan.

Ja tsamabaon yoiai jaskati tsinikana.

Kirika pakexbo menixon bachibo jato pikomawe. Jainxon westiora naa axon jain jato napomawe.

Axeamisnin jan teeti kirika pei senentiain itina pei S4 tsekaxon jato meniwe.

¿Tsoabaonki tee akinai?

Axeamisnin, yoxaman.


¿Jaweranoxonki tee akanai?


Axeti xobo.

¿Jawe jawekiboninki non tee akai?

Kirika pei, besteti, jan taxnanti, rapis.

¿Jawekeskati atapa ja? Ribojobo tsekaxon taxnanwe ja itinkobo. Jainxon mibe axeaibo yoiwe.





Jane:

Ipo bachi biti

Axeamisnin axeanoxon onanti

Bakebo yoiwe jain yapabaon bachi ai.
Jatian ja naman akaibo riki, wapa wapa xaneaka, tsaori jan akai taxbakan.
Natobaonra akai jenetian bachiakin.
Yapabaon bachiakai jenemeran mai kiniaxon.
Ipon akai jene beatian, rayon, chio, tsisman, make, koyaparo, wamenribi.
Mesko mai iamax mapo meinxon bakebo meniwe, ipo bachi jisakin pikoax tsinikanon ixon yoiwe.

Seneanxon jabe axeaibo yoikanai jaskaaxon tee akabo.

Jan teeti kirika jato meniwe.

¿Tsoabaonki tee akinai?

Axeamisnin.


¿Jaweranaxonki tee akanai?


Axeti xobonko.

¿Jawe jawekiboninki non tee akai?

Mapo iamax mai meinxon, mesko bimi berobo, rapis.

Ribojo oinxon westiora serekan jain bachiainko biananamawe.





○	Pichika

Jane:

Bachi yankon

Axeamisnin axeanoxon onanti

Yosiba bakebo merakinxon onamawe peiya yoinabaon bachiakai.

Bakebaon ninkatai jain peiya yoinabaon bachiai, nii taxbameran itan ian rebonra akai wapa wapan bachaiakin. Yono bochikironki manxaman, koshori, xarara jabaonronki akai ani jiwi bochiki.

Jatian ja naman akaibo riki xaneaka, tsaorin. Jaskaribi akai taxbakan.

Natobaonra akai jenetian bachiakin.

Jan tee ati kirikainoa pei tsekaxon, westiorabaon akai pichika bachibo.

Jatiribibo jatioma iketian akinwe jati nokoaikaman.

Westiorabaon toponai, ja texeabo wetsa bake jayaomabo meniti seneanti kopi.

Seneanxon yoikanai jaskati tsinikana.

Tsaori bachi jawen naa ikainko taxnawen, xonioro bachiribi awe, rama toponwe jaweti bachiboki westiora naabomeran iki.

Rabe bakebo biananamaxon pichika ja jisabires bachi tsamanti yoiwe.

Jainxon yoiwe chitemeboran jati bachi taxnanti, ribojo oinxon.

¿Tsoabaonki tee akinai?

Axeamisnin.


¿Jaweranaxonki tee akanai?


Axeti xobonko.

¿Jawe jawekiboninki non tee akai?


Mesko kirikabo, rapis, besteti, isa naa.

Jawetiki manxaman bachiaka toponwe. Jati topona paketa wishaxon manxaman bachi ribojanwe.





Nete



Yame

Jane:

Neten itan yame tee ati

Axeamisnin axeanoxon onanti

Axeamis bakebobetan yoyo ikai. Jawe bachiboki yame itan neten bikanai.

Bakebaon shinan ninkatai.

Min anibobaonki jawe teebo yame itan neten akanai.

Axeamisnin jato yokatai: ¿jawe jawekiboki non neten akai? ¿Jatian jaweboki non yame akai?

¿Min papa betanki jawekeska nete iketian mia ipo bachi bii kai?

Bakebaon yoiai ninkawe.

Jainxon jato yokawe matonki jawe jawekibo akai yame itan neten. Min papankin jawe teebo akai yame yoiwe.

Bakebaon yoiai ja tee akanai.

Axeamisnin jan teeti kirika pei senentiain itina pei S4 tsekaxon jato meniwe.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Rapis.

Jawe jawekiboki min anibo betan neten itan yame akaibo iki ja ribojo taxnanwe.



Ipo bachi



Ipo bachi riki jene
beaitian icha. Jawen
titayabi bixonra piti.
Nato ipo bachira
meskoaxon jawekiati iki,
kenananax boxon bikanai.



Jan atibo.



Ipo bachi jaskaaxon jawekiatibo.



Jane:

Meskoaxon ipon bachi jawekiati

Axeamisnin axeanoxon onanti

Bakebo betan yoyo iwe.

Westiora tita yoiwe axeti xobon joti, bakebo jaskaaxon jawekiati axeanon.

Wetsa neten yoibata titan axeti xobonko ipon bachi beai, ipon yonan, ipon beten bachia meskoa, ipon bachi manpin, ipon bachi kawa, paranta, yochi, tashi.

Titan bakebo yoiwai jaskaaxon ipon bachi jawekiati.

Bakebaon tita yokata yoiwai.

Westiora jawekiatibo yoiwai titan, jaskaaxon jawekiati.

Axeamisnin bakebo yokatai kirikain wishati jaskaaxon ipon bachi jawekiati.

Babebaon shinan ninkawe.

Jan teeti kirika tsekaxon jato meniwe.

Ribojo oinbokin wishakanai jaton atipanakan, titan jato axea shinanbokin.

Axeamisnin jato oinxonai jaskaakin wishakana.

Jainxon jatobetanbi benxoati jaketian jato axonai.

Seneanxon yoikanai.

Ribojo oinxon bakebaon yoiwai ipon bachi jaskaaxon jawekiati.

¿Tsoabaonki tee akinai?

Yoxaman.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Rapis.

Ribojo oinxon jaskaaxon ipon bachi jawekiatibo mibe axeaibo yoiwe.





Jane:

Atapa inaati

Axeamisnin axeanoxon onanti

Axeamis bakebobetan yoyo ikai jaskaaxon atapa itan mesko isabo inaati.

Yokabo axon bakebaon shinan onanwe.

¿Matoki atapa inaaya iki? ¿Jaweboki maton pimai? ¿Jaweranoki oxakanai? ¿Tsonki jawekiamai? ¿Jaweboribimein non inaikai?

Kimisha tsama bakebo imaxon jato yoi ai jaskaakin atapa inaikai iki tsiniti.

Tsini jeneta pekao ja tsamabaon yoi ai jaskati tsinikana.

Jan teeti kirika jato meniwe.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Rapis, mesko ribojobo.

Jawe yoinaboki min inaikai ribojanwe. Jainxon yoiwe jawekeskaakin min koiranai.





A large rectangular area with a solid blue border. On the right side, there are four horizontal dashed blue lines, each centered vertically within its respective section.

Jane:

Sanken Sina ipo bachi bii kaa wisha

Axeamisnin axeanoxon onanti

Bakebo yakakinxon yoiwe bachi bii bokanai. Moa yantanbi jato keshanwana ja shinanyabi neteax bokanai. Bakebo maxkopari iken iweyamakanai yoina ibon isinmati atipanke. Bakebo shinamawe jain yoinabaon bachiai, wetsa neten yosin yoiyai ninkaibata. Jainxon yoikanai jawen papan jaskaaxon bachi biti jato yoiya. Rama axeamisnin akina bakebaon wishai, **Sanken Sinaki ika.**

Rekenpari jato jan teeti kirika petsexon meniwe.

Bakebaon yoiyai jawe janeki ikai ja wishakana kirika.

Jatibi bake yoyo ikai, jaton shinan yoi, axeamisnin jato wishaxonai ja yoikanaibo

Axeamisnin axon jato yoyo axonai, jawekeska iketian jato benxoaxonai.

Jaixon jatixonbi oinkanai.

Jainxon jaton kirikain tanakin wishakanai. Westiorabaon tanakin wishai jaton atipana kaman.

¿Tsoabaonki tee akinai?

Axeamisnin.


¿Jaweranaxonki tee akanai?

Axeti xobonko.

¿Jawe jawekiboninki non tee akai?

Rapis.

Jaskaaxon ipo bachi bikanai shinanxon ribojanxon min atipanankaman wishawe.





Jane:

Bichini iki tsiniti

Axeamisnin axeanoxon onanti

Bakebo betan yoyo iwe, ja tee akanai yoiwe.
Westiora bake masenma pichika tanoni bero
napoxon meniwe.

Wetsa bake meniwe chonka, ja rabe bake
tsinia jabe axeai betan bianananax.

Jainxon toponxon yoikanai, neskaakin pichika
tanoninya ikenbi rabe bichinai iki.

Jainxon toponai jawetika baneta ixon.

Jaskaribi joni ikanai mesko jawekinin, botiria
repoti, xepan, mansian bero, repox itan
wetsaboribi.

Jan teeti kirika jato meniwe.

Bakebo mesko bimi berobo meniwe.
Rabebo bianananax bichinananai iki tsiniti jato
yoiwe.

Axeamisnin yoia jati bichinti seneanti jake,
senenxon yoikanai.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?

Botiria repoti, xepan, mesko bimi berobo,
rapis, mesko minedun jan tsiniti menia
jawekibo.

Jaweti bachi naaki ja, jaweti bachiki xekekan pia. Ja piaki jaweti baneta, jati wishawe.





Jane:

Kirika samatabo tana

Axeamisnin axeanoxon onanti

Bakebo betan yoyo iwe, nato oxe kirika aki ja axekanabo yoikanti kopi.

Jainxon bakebo meniwe jaton tee akabo.

Ja pekao bakebo yokawe:

- ¿Mesko jaweki axenoxonki non jawebo aka? ¿Tson xobonki noa meraibata? ¿Tsoaboki non axeti xobonko joibata? ¿Jawe akimein axeti xobonko joibake, yoxan, papa, tita, jema koshi? Yoita.
- ¿Jawerato teeki min kenshaman ika? ¿Jaweranoboki noa kaibata mesko jawekibo axenoxon jato yokati?
- ¿Tsobetanki min teebo akai? ¿Tsonki mia akinai?
- ¿Jaweboki mia axea nato oxe?
- ¿Jaweboribiki mia axekasai?

Shinanxon yoiwe.

Jan teeti kirika pei tsekaxon jato meniwe.

Ribojana pekao jabe axeaibo yoiai ja tee aka.

¿Tsoabaonki tee akinai?

Axeamisnin.


¿Jaweranoxonki tee akanai?

Axeti xobonko.

¿Jawe jawekiboninki non tee akai?


Jan tee ati kirika.

¿Jawerato tee mia axeaki min kenshaman ika? Ribojanwe.




Jakonax janoxon ja seneanti jawekibo




Mechokixonra en piai	Ja nete 1	Ja nete 2	Ja nete 3	Ja nete 4	Ja nete 5
					

Jawerato neteki mia mechokita, ja nete westiora chite sikawe.

Eara xechokitai	Ja nete 1	Ja nete 2	Ja nete 3	Ja nete 4	Ja nete 5
					

Jawerato neteki mia xechokita, ja nete ikainko westiora bemana ribojanwe.


Axetixobo matsoxon jakon akin jawekibo awe

	Ja nete 1	Ja nete 2	Ja nete 3	Ja nete 4	Ja nete 5
					

	Ja nete 1	Ja nete 2	Ja nete 3	Ja nete 4	Ja nete 5
					

Jawerato neteki min jato akina, matsokin, jawekibo jakon akin min axeti xobonko.

Jan joni iti jawekibaonra en jato tsinikinai

	Ja nete 1	Ja nete 2	Ja nete 3	Ja nete 4	Ja nete 5
					


Ribojanwe bemana raroshaman jawerato neteki jan tsiniti itan jan teeti jawekibo min jato menia.

Enra jakon akin ebe exeai bo raenankinai

	Ja nete 1	Ja nete 2	Ja nete 3	Ja nete 4	Ja nete 5
					

Jawerato neteki mibe axeai bo min jakon akin raenankina.

Ea riki Ea riki
ainbo bake benbo bake





Nokon jane riki:


Nokon anibo

Nokon tita

Nokon papa

Nokon wetsabo itan nokon poibo






**Nokon
kenshaman piti**




**Nokon kenshaman
xeati**

Nonkon shinan riki






Eara raroai






Eara onisai









































































1



2

3

4

5





JAINOAX
PEOKOTA



1

2

3



5



7

8



10

11

12



14

15

16

17



19

20

JAIN
KEYOTA



**JASKATI
TSINITI
YOIYA**

- 1** Rabe bakebo biananamawe.
- 2** Bakebaon mesko jaweki bixon tsamanti jake jan tsiniti.
- 3** Westiora bakenpari dado potaxon ja topontiain paketa oinxon jain rakanai.
- 4** Ja pekao wetsa baken ashokoai, jaskati tsinikanai.

Neskara ribojobo pikoketian jaskati tsiniti:

Pirotain nokotax: rabe ja toponti winomaxon kimisha itinko jaweki min bia rakanwe.

Toponti 4 nokotax: chosko ja toponti winomaxon pichika itinko makan rakanwe.

Westiora ratonko piti xoi itina nokotax: westiora jaskakin yoa axón piti yoive iti atipanke kawa, kobin.

Bawin ikainko nokotax: peokoti tsiniribiwe.

